

古詩類苑

百二十五之

十六冊終

木 鳥 獸 鱗 介 蟲 豸

古 諺 補 亡 存 逸



漢書門			
五	九	四	三
一	六	九	〇
冊	架	函	號 類

內閣文庫			
三	九	五	漢
〇	〇	五	書
三	一	四	
架	六	三	類

內閣文庫			
番號	漢	5543	
冊數	16 (16)		
函號	319	17	



古詩類苑卷之一百二十五

淺草文庫

雲間張之象玄超纂輯

俞顯卿子如補訂

王徹叔朗

王國材伯達校正


俞顯謨子昭

王頴玄弢參閱

陳甲伯子

木部

草木頌



草木頌十五首

并序

江淹

僕一命之微遭萬代之幸不能鑄心礪骨以報所象
擢異驥首自致丹梯爰乃恭承嘉惠守販閩中且僕
生人之樂久已盡矣所愛兩株樹十莖草之間耳今
所鑿處前峻山以蔽日後幽晦以多阻饑餒搜索石
瀨彋彋庭中有故池水常決雖無魚梁釣臺處處可
坐而葉饒冬榮花有夏色茲赤縣之東南乎何其竒
異也結莖吐秀數千餘類心所憐者十有五族焉各
爲一頌以寫勞勳

金荊

江南之山連障連天旣抱紫霞亦漱絳煙金荊嘉樹涵
露宅仙姘節詎及幽意誰傳

相思

竦枝碧澗臥根石林日月斷色霧雨恒陰綠秀八炤丹
實四臨公子不至山客徒尋

豫章

伊南有材匪桂匪椒下貫金壤上籠赤霄盤薄廣結梢
瑟會高七年乃識非曰終朝

栢欄

異木之生疑竹疑草攢叢石逕森徒山道煙岫相珍雲

壑共寶不華不縛可避工巧

杉

桐梓首麗松栝稱奇焉如茲品獨秀青崖羣木斂望雜
草不窺長入煙氣永參鸞螭

檉

木貴冬榮檉實寒色停黛峰頂插翠石側碧葉菴藹頽
柯翕絕方陋筠櫝遠笑荆棘

楊梅

寶跨荔枝芳軼木蘭懷蕊挺實涵英糝丹鏡日繡壑炤
霞綺巒為我羽翼委君玉盤

山桃

惟園有實惟山有叢丹鷲擎露紫榮繞風引霧如電映
烟成虹伊春之秀乃華之宗

山中石榴

美木艷樹誰望誰待縹華翠萼紅華絳采炤列泉石芬
撓山海奇麗不徒霜雪不改

木蓮

迸采永壑騰光淵丘緗麗碧巘紅艷桂洲山人結侶靈
俗共遊時至不採為子淹留

石上菖蒲

藥實虛品爰乃輔性却疴衛福蠲邪養正縹色外妍金光內映草經所珍仙圖是詠

黃連

黃連上草丹沙之次禦孽辟妖長靈久視驂龍行天馱鳳匝地鴻飛以儀順道則利

薯預

華不可炫葉非足憐微根儻餌棄劍為仙黃金共鑄青獲爭妍君謂無妄我驗衡山

藿香

桂以過冽麝以太芬摧阻天鑄天折人文詎及藿香微

馥微薰攝靈百仞養氣青霏

杜若

山中杜若嘉爾翠質不竒不俗載華載實同銜夕露共烘朝日夷儉無二沈冥如一

聲風木語

別國洞冥記曰太初二年東方朔從西那汗國歸得聲風木十枝獻帝長九尺大如指此木臨因桓之水則禹貢所謂因桓是也其源出甜波樹上有紫燕黃鵠集其間實如油麻風吹枝如玉聲因以為名帝以枝遍賜尊臣臣有凶者枝則汗臣有死者枝則折昔老聃在於周世年七百歲枝竟未汗僅佺生於堯時年三千歲枝竟未一折帝乃以枝問朔朔曰臣以見此枝三過枯死而復生豈汗折而已哉里語曰

年未半枝不汗

此木五千年一
濕萬歲不枯

甘水聖木贊

郭璞

醴泉睿木養齡盡性增氣之和祛神之冥何必生知然後為聖

不死樹贊

前人

萬物暫見人生如寄不死之樹壽蔽天地請藥西姥焉得如羿

木詩

劉楨

昔君錯畦時東土有素木條柯不盈尋一尺再三曲隱生真翳林倥傯自迫束得託芳蘭苑列植高山足

闕

賦得庭中有奇樹

賀循

古詩庭中有奇
樹綠葉發華茲

三春節物始芳菲遊絲細草動春暉香風飄舞花間度好鳥和鳴枝上飛臨池間竹偏增綠依階映雪紛如玉
温室庭前竟不言鼓吹樓中能作曲曾聞遠別舊難思
攀折會取贈佳期長條本自堪為帶密葉由來好作帷
星稀漢轉月輪明徘徊夜鵲屢相驚欲識幽人蘭社逕
山窓芳桂復叢生

芳樹

沈約

發萼九華隈開跼寒路

一作露

側氤氳非一香參差多異

色宿昔寒飈舉摧殘不可識霜雪交橫至對之長歎息

同前

謝朓

早翫華池陰復影一作鼓滄洲柅椅柅芳若斯葳蕤紛可

結霜下桂枝銷怨與飛蓬折不厠玉盤滋誰憐終委絕

同前

王融

相望早春日烟華雜如霧復此佳麗人含情結芳樹綺
羅已自憐萱風多有趣去來徘徊者佳人不可遇

同前

梁武帝

綠樹始搖芳芳生非一葉一葉度春風芳華自相接雜
色亂參差衆花紛重疊重疊不可思思此誰能愜

同前

梁元帝

芬芳君子樹交柯御宿園桂影含秋月桃花染春源落
英逐風聚輕香帶葢翻叢枝臨北閣灌水隱南軒交讓
良宜重成蹊何用言

同前

丘遲

芳葉已漠漠嘉賓復離離發景傷雲屋凝暉覆華池輕
蜂掇浮穎弱鳥隱深枝一朝容色茂千春長不移

同前

費昶

幸被夕風吹屢得朝光照枝低疑欲舞花開似含笑長
夜路悠悠所思不可召行人早旋返賤妾猶年少

同前

一江總

朝霞映日殊未妍
珊瑚照水定非鮮
千葉芙蓉詎相似
百枝燈花復羞然
暫欲寄根對滄海
大願移華側綺錢
井上桃蟲誰可雜
庭中桂蠹豈見憐

同前

顧野王

上林通建章
雜樹遍林芳
日影桃蹊色
風吹梅逕香
幽山桂葉落
馳道柳條長
折榮疑路遠
用表莫相忘

同前

李爽

芳樹千株發
搖蕩三陽時
氣軟來風易
枝繁度鳥遲
春至花如錦
夏近葉成帷
欲寄邊城客
路遠詎能持

同前

張正見

奇樹舒春苑
流芳入綺錢
合歡分四照
同心影一作萬
年香浮佳氣
裏葉映彩雲
前欲識楊雄
賦金玉滿甘泉

詠樹

庾信

交柯乍百頃
擢本或千尋
楓子留為式
桐孫待一作持
琴殘核移桃
種空花植棗
林幽居對蒙
密蹊徑轉深
沈

移樹

前人

酒泉移赤柰
河陽徙石榴
雖言有千樹
何處似封侯

榮木四章

并序

陶淵明

榮木念將老也
日月推遷已
復有憂總角
聞道白首

無成

采采榮木結根于茲晨耀其華夕已喪之人生若寄顛
顛有時靜言孔念中心悵而

采采榮木于茲托根繁華朝起慨暮不存貞脆由人禍
福無門匪道曷依匪善奚敦

嗟予小子稟茲固陋徂年旣流業不增舊志彼弗舍安
此日富我之懷矣怛焉內疚

先師遺訓余豈云墜四十無聞斯不足畏脂我名車策
我名驥千里雖遙孰敢不至

河邊枯樹

劉臻

奇樹臨芳渚半死若龍門疾風摧勁葉沙岸毀盤根將
軍猶未坐匠石不曾論無復凌雲勢空餘激浪痕可嗟
摧折盡詎得上河源

庭前枯樹

孫萬壽

當時金谷裏昔日平陵東布葉俱承露開花共待風搖
落一如此容華遂不同庭前生意盡井上蠹心空匠者
無勞顧擁腫難爲功

落葉

孔紹安

早秋驚落葉飄零似客心翻飛未肯下猶言惜故林

悲落葉

蕭綜

言類考卷一百三十一 木部
悲落葉聯翩下重疊重疊落且飛從橫去不歸長枝交
陰昔何密黃鳥關關動相失夕葢雜凝露朝花翻亂日
亂春日起春風春風春日此時同一霜兩霜猶可當五
晨六日已颯黃乍逐驚風舉高下任飄颺悲落葉落葉
何時還夙昔共根本無復一相關各隨灰土去高枝難
重攀

柳

詠柳

梁簡文帝

垂陰滿上路結草早知春花絮時隨鳥風枝屢拂塵欲
散依依采時要歌吹人

同前

吳均

細柳生堂北長風發鴈門秋霜常振葉春露詎濡根朝
作離蟬宇暮成宿鳥園不爲君所愛摧折當何言

同前

祖孫登

馳道藏烏日鬱鬱正翻風抽翠爭連影飛綿亂上空高
葉臨胡塞長枝拂漢宮欲驗傷攀折三春橫笛中

敬和衛尉于卿詠柳

杜之松

漢將本屯營遼河有戍城大夫曾取姓先生曾得名高
枝拂遠鴈疎影度遙星不辭攀折苦爲入管絃聲

綠柳

梁元帝

長條垂拂地輕花上逐風露霑疑染綠葉小未鄣空

折楊柳

梁簡文帝

楊柳亂成絲攀折上春時葉密鳥飛礙風輕花落遲城

高短簫發林空畫角悲曲中無別意一作別無意併是為相

思

同前

梁元帝

巫山巫峽長垂柳復垂楊同心且同折故人懷故鄉山

似蓮花豔流如明月光寒夜猿聲徹遊子淚霑裳

同前

劉邈

高樓十載別楊柳擢絲枝摘葉驚開駛攀條恨久離年

年阻音息一作信月月減容儀春來誰不望相思君自知

同前二首

陳後主

楊柳動春情倡園妾屢驚入樓含粉色依風雜管聲武

昌識新種官渡有殘生還將出塞曲仍共玉臺作仍作胡笳

鳴

長條黃復綠垂絲密且繁花落幽人徑步隱將軍屯谷

暗宵鉦響風高夜笛喧聊持暫攀折空足憶中園

同前

王瑳

塞外無春色上林柳已黃枝影侵雲一作營暗葉彩亂星

光陌頭藏戲鳥樓上掩新妝攀折思為贈心期別路長

同前

江總

萬里音塵絕千條楊柳結不悟倡園花遙同羗嶺一作天嶺雪春心自浩蕩春樹聊攀折共此依依情無柰年年別

同前

張正見

楊柳半垂空裊裊上春中枝疎董澤箭葉碎楚臣弓色映長河水花飛高樹風莫言限宮掖不閉長楊宮

同前

徐陵

嫋嫋河堤樹一作柳依依魏主營江陵有舊曲洛下作新聲妾對長楊苑君登高柳城春還應共見蕩子太無情
同前

將軍始見知細柳繞營垂懸絲拂城轉飛絮上宮吹塞

門交度葉谷口暗橫枝曲成攀折處唯言怨別離

翫庭柳

沈約

輕陰拂建章夾道連未央因風結復解霑露柔且長楚妃思欲絕班女淚成行遊人未應去為此還故鄉

詠陽雲樓簷柳

梁元帝

楊柳非花樹依樓自覺春枝邊通粉色葉裏映紅巾帶日交簾影因吹掃席塵拂簷應有意偏宜桃李人

和湘東王陽雲樓簷柳

梁簡文帝

暖暖陽雲臺春柳發新梅柳枝無極軟春風隨意來潭

古言類考卷之三十一 木部
三十一
施青帷閉玲瓏朱扇開佳人有所望車聲非是雷

賦得垂柳映斜谿

張正見

千仞清溪險三陽弱柳垂葉細臨湍合根空帶石危風
翻夾浦絮雨濯倚流枝不分梅花落還同橫笛一作吹

竹

竹贊

謝莊

瞻彼中唐綠竹猗猗貞而不介弱而不虧杳裊人圃蕭
瑟雲崖推名楚潭美質梁池

松竹贊

戴逵

猗歟松竹獨蔚山臯肅肅脩竿森森長條

詠竹

謝朓

窻前一叢竹青翠獨言奇南條交北葉新筍雜故枝月
光疎已密風來起復垂青扈飛不礙黃口得相窺但恨
從風籜根株長別離

賦得竹

梁元帝

嶰谷管新抽淇園節復脩作龍還葛水為馬向并州柯
亭臨絕澗桃枝夾細流冠學芙蓉勢一作花堪威鳳遊
邛王若有獻張騫應拜侯

詠竹

劉孝先

竹生荒野外稍雲聳百尋無人賞高節徒自抱貞心耻

古詩類卷之三十一
本詩
三
染湘妃淚羞入上宮琴誰能制長笛當為吐龍吟

同前

蕭放

懷風枝轉弱防露影逾濃既來丹穴鳳還作葛陂龍

綠竹

吳均

嬋娟鄣綺殿繞弱拂春漪何當逢採拾為君笙與箎

簷前竹

沈約

萌開籜已垂結葉始成枝繁蔭上翦茸一作鬱鬱促節下離

離風動露滴瀝月照影參差得生君戶牖不願夾華池

賦得階前嫩竹

張正見

翠竹稍雲自結叢輕花嫩筍欲凌空砌曲橫枝屢解籜

階前疎葉強來風欲知抱節成龍處當於山路葛陂中

和新浦侯齋前竹

江洪

本生出高嶺移賞入庭蹊檀欒拂桂檠翦葱蔥傷朱閨夜

條風析析曉葉露淒淒籜紫春鸞思筠綠寒蛩啼不惜

凌雲茂遂聽羣雀棲願抽一莖實試看翔鳳來

侍宴賦得夾池竹

陰鏗

夾池一叢竹垂一作青翠不驚寒葉醞宜城酒皮裁一作治

薛縣冠湘川染別淚衡嶺拂仙壇欲見葳蕤色當來菟

苑看一作欲見凌冬質當為雪中看

賦得夾池脩竹

賀循

綠竹影參差歲蕤帶曲池逢秋葉不落經寒色詎移來
風韻晚逕集鳳動春枝所欣高蹈客未待伶倫吹

見江邊竹

虞羲

挺此貞堅性來樹朝夕池秋波漱下趾冬雪封上枝
蕤防曉露葱蒨集羈雌含風自颯颯負雪亦猗猗金
明無異狀玉洞良在斯但恨非嶰谷伶倫未見知

賦得山中翠竹

張正見

脩竹映巖垂來風異夾池複澗藏高節重林隱勁枝
雲生龍未上花落鳳將移莫言棲嶰谷伶倫不復吹

望解前水竹荅崔錄事

何遜

蕭蕭藜竹映澹澹平湖淨葉倒漣漪文水漾檀欒影相
思不會面相望空延頸遠天去浮雲長墟斜落景幽痾
與歲積賞心隨事屏鄉念一邇迴白髮生俄頃

秋竹曲

謝朓

媿娟綺窓北結根未參差從風旣裊裊映日頗離離欲
求棗下吹別有江南枝但能凌白雪貞心蔭曲池

枯葉竹

劉孝威

枯楊猶更綠臥柳尚還生勿嫌鳳不至終當待聖明
賦得風生翠竹裏應教

張正見

金風起燕觀翠竹夾梁池翻花疑鳳下颺水似龍移帶

露依深葉飄寒入勁枝聊因萬籟響詎待伶倫吹

桐

梧桐贊

郭璞

桐實嘉木鳳凰所棲爰代琴瑟八音克諧歌以永言
唯喈喈

孤桐贊

宋孝武帝

珍無隱德產有必甄資此孤幹獻枝楚山梢星雲界衍
葉炎厲名列貢寶器贊虞絃

遊東堂詠桐

謝朓

孤桐北窗外高枝百尺餘葉生既婀娜葉落更扶疎

華復無實何以贈離居裁為珪與瑞足可命參墟

詠桐

魏澹

本求裁作瑟何用削成珪願寄華庭裏枝橫待鳳棲

同前

陸季覽

搖落依空井生死尚餘心不辭先入爨惟恨少知音

詠桐梧

王融

騫鳳影層枝輕虹鏡展綠豈數龍門幽直慕瑤池曲

同前

沈約

秋還遽已落春曉猶未美微葉雖可賤一剪或成珪

詠椅桐

伏系之

古詩類考卷一百一十五
木部
亭亭倚桐鬱茲庭圃翠條疎風綠柯陰宇闕

共賦韻詠庭中桐
吳均

龍門有竒價自言梧桐枝華暉實掩映細葉能披離不
降周王子空待歲時移嚴風忽交勁遂使無人知

山行見孤桐
鮑照

桐生藜石裏根孤地寒陰上倚崩岸勢下帶洞阿深奔
泉冬激射霧雨夏霖淫未霜葉已肅不風條自吟昏明
積苦思晝夜叫哀禽棄妾望掩淚逐臣對撫心雖以慰
單危悲涼不可任幸願見雕斲為君堂上琴

詠孤桐
沈約

龍門百尺時一作時排雲少孤立分根陰玉池欲待高鸞

集

奉酬從兄臨川桐樹
王筠

伊昔擅羽儀待價龍門垂優游清露點微一作微穆惠風

吹月上陰陽榦雲覆死生枝公子存高尚聊用影華池
棲鸞既不重舞鶴復何施方同散木爨清響竟誰知

雙桐生空井
梁簡文帝

魏明帝猛虎行
曰雙桐生空井

季月雙桐井新枝雜舊株晚葉藏栖鳳朝花拂曙烏還

看西子一作稚子照銀牀繫轆轤

零落桐

虞世基

零落三秋幹摧殘百尺柯空餘半心在生意漸無多

松

松贊

謝惠連

松惟靈木擬心雲端跡絕玉除形寄青巒子欲我知求之歲寒

同前

庾肅之

流澗飛律沈精幽結貞蕤含芳仰拂寒雪

松詩

袁宏

森森千丈松磊砢非一節雖無榱桷麗較為梁棟築

同前

傅玄

飛蓬隨飄起芳草摧山澤世有千年松人生詎能百

擬嵇中散詠松

謝道韞

遙望山上松隆冬不能凋願想遊下憇瞻彼萬仞條騰躍未能升頓足俟王喬時哉不我與大運所飄飆

擬古

張華

松生隴坂上百尺下無枝東南望河尾西北隱崑崖剛風振山籟朋鳥夜驚離悲涼貫年節葱翠恒若斯安得草本心不怨寒暑移

寒松

沈約

梢聳振寒聲青葱標暮色疎葉望嶺齊喬幹臨雲直

詠寒松

范雲

脩條拂層漢密葉障天濤凌風知勁節負雪見貞心

詠慈姥磯石上松

吳均

根為石所蟠枝為風所碎賴我有貞心終凌細草輩

詠松樹

李德林

結根生上苑擢秀邇華池歲寒無改色年長有倒枝露

自金盤灑風從玉樹吹寄言謝霜雪貞心自不移

北鄉古松樹

隋煬帝

古松惟一樹森竦詎成林獨留塵尾影猶橫偃蓋陰雲

來聚雲色風度雜風音孤生小庭裏尚表歲寒心

栢

庭栢

魏收

古松圖偃蓋新栢寫鑪峰凌寒翠不奪迎暄綠更濃茹
葉輕沈體咀實化衰容將使中臺麝違山能見從

連理栢詩

王氏

衛敬瑜妻王氏霸城王整之姊適敬瑜年十六而夫亡父毋舅姑咸欲嫁之不許乃截耳置盤中為誓乃止雍州刺史蕭藻嘉其美節表其門南史曰貞女亡壻種樹百株墓前栢樹忽成連理女乃為詩曰

墓前一株栢連根復竝枝妾心能感木頽城何足竒

桑

帝女桑贊

郭璞

爰有洪桑生濱淪潭厥圍五杖相交叅園客是採帝女
所蠶

種桑詩

謝靈運

詩人陳條柯亦有美攘剔前脩為誰故後事資紡績常
佩知方誠愧微富教益浮陽驚嘉月藝桑迫閒隙疎欄
發近郭長行達廣場曠流始苾泉洄塗猶跬跡俾此將
長成慰我海外役

艷歌

魏陳思王

出自薊北門遙望胡池桑枝枝自相值葉葉自相當

羅敷行

顧野王

東隅麗春日南陌採桑時樓中結梳罷提筐候早期風
輕鶯韻緩露重落花遲五馬光長陌千騎絡青絲使君
徒遣信賤妾畏蠶飢

日出東南隅行

蕭子顯

大明上迢迢陽城射凌霄光照窓中婦絕世同阿嬌明
鏡盤龍刻簪羽鳳凰雕逶迤梁家髻冉弱楚宮腰輕紈
雜重錦薄縠間飛綃三六前年暮四五今年朝蠶籠拾
芳翠桑陌採柔條出入東城里上下洛西橋忽逢車馬

客飛蓋動檐輶單衣鼠毛織寶劔羊頭鞞丈一作夫疲

應對從一作御者輟銜鑣柱間徒脉脉垣上幾翹翹女本

西家宿君自上宮要漢馬三萬疋夫婿仕嫖姚鞞囊虎

頭綬左珥鳧盧貂橫吹龍鍾管奏鼓象牙簫十五張內

侍十八賈登朝皆笑顏郎老盡訝董公一作生超

同前

徐伯陽

朱城璧日啟朱扉玉臺云丹城青樓含照本暉暉遠映

陌上春桑葉斜入秦家細綺衣羅敷粧粉能佳麗鏡前

新梳倭墮髻圓籠裊裊挂青絲鐵鈎冉冉勝丹桂蠶饑

日晚慙生愁忽逢使君南陌頭五馬停珂遣借問雙臉

含嬌特好羞妾婿府中輕小吏即今來往專城裏欲識

東方千騎歸藹藹日暮紅塵起

陌上桑二首

蕭子顯

日出秦樓明條垂露尚盈蠶饑心自急開奩妝不成

令一作今月開和景處處動春心挂筐須葉滿息倦重枝

陰

同前四首

王臺卿

鬱鬱陌上桑盈盈道傍女送君上河梁拭淚不能語

鬱鬱陌上桑遙遙山下蹊君去成萬里妾來守空閨

鬱鬱陌上桑皎皎雲間月非無巧笑姿皓齒為誰發

鬱鬱陌上桑 裊裊機頭絲 君行亦宜返 今夕是何時

同前

吳均

娈娈陌上桑 蔭陌復垂塘 長條映白日 細葉隱鸝黃 蠶
饑妾復思 拭淚且提筐 故人寧知此 離恨煎人腸

同前

王筠

人傳陌上桑 未曉已含光 重重相蔭映 軟弱一作軟軟自芬
芳 秋胡始倚馬 羅敷未滿筐 春蠶朝已老 安得久彷徨

採桑

鮑照

季春梅始落 工女事蠶作 採桑淇洧間 還戲上官閣 早
蒲時結陰 晚篁一作竹初解籜 藹藹霧滿灑集作灑 閨融融景

盈幕乳燕逐 草蟲巢蜂拾 花萼是節最 喧妍佳服又新

燦綿玉臺作斂 歎對迥塗揚 歌弄塲藿抽 琴試抒思薦 珮果

成託承君郢 中美服義久 心諾衛風古 偷艷鄭俗舊 浮

薄靈願悲渡 湘宓賦笑灑 洛盛明難重來 淵意為誰涸

君其且調絃 桂酒妾行酌

同前

梁簡文帝

春色映空來 先發院邊梅 細萍重疊長 新花歷亂開 連
珂往淇上 接幘至叢臺 叢臺可憐妾 當窓望飛蝶 忌跌
行衫領 熨斗成褫禡一作褫禡 下牀著珠珮 捉鏡安花鑷 薄
晚畏蠶饑 競採春桑葉 寄語採桑伴 訝今春日短 枝高

古詩卷之三 采桑 三十一

攀不及葉細籠難滿年年將使君歷亂遣相聞欲知琴
裏意還贈錦中文何當照梁日還作入山雲重門皆已
閉方知留客袂可憐黃金絡複以青絲繫必也為人時
誰令畏夫壻

同前

沈君攸

南陌落花移蠶妾畏桑萎逐便牽低葉爭多避小枝摘
馱籠行滿攀高腕欲疲看金怯舉意求心自可知

同前

英華題云和
洗馬古意

吳均

賤妾思不堪採桑渭城南帶減連枝繡髮亂鳳凰花
舞依長薄蛾一作鶯飛愛綠潭無由報君信流涕向春蠶

同前

陳後主

春樓髻梳罷南陌競相隨去後花叢散風來香處移廣
袖承朝日長鬟礙聚枝柯新攀易斷葉嫩摘前萎採繁
鈎手弱微汗雜粧垂不應歸獨早堪爲使君知

同前

張正見

春樓曙鳥驚蠶妾候初晴迎風金珥落向日玉釵明徙
顧移籠影攀鈎動釧聲葉高知手弱枝軟覺身輕人多
羞借問年少怯逢迎恐疑夫壻遠聊復荅專城

同前

賀徹

蠶妾出房櫳結伴類花叢度水春衫綠映日晚妝紅釧

聲時動樹衣香自入風鈎長嫩枝曲葉盡細條空競採
須盈手爭歸欲滿籠自憐公府步誰與少年同

同前

傅綽

羅敷試採桑出入城南傍綺裾映珠珥絲繩提玉筐度
身攀葉聚聳腕及枝長空勞使君問自有侍中郎

同郭侍郎採桑

姚翻

鴈還高柳北春歸洛水南日照茱萸領風搖翡翠簪一作

簪桑間視欲暮閨裏遽饑蠶相思君助取相望妾那堪

萬山見採桑人

劉邈

倡妾不勝愁結束下青樓逐伴西城一作路相携南陌

頭葉盡時移樹枝高乍易鈎絲繩挂且脫金籠寫復收
蠶飢日已暮詎爲使君畱

至烏林村見採桑者因有贈 王 樞

遙見提筐下翩妍實端妙將去復迴身欲語先爲笑閨
中初別離不許覓新知空結茱萸帶敢報木蘭枝

艷歌行

張正見

城隅上朝日斜暉照杏梁併捲茱萸帳爭移翡翠牀
環聊向牖拂鏡且調妝裁金作小靨散麝起微黃二八
秦樓婦三十侍中卽執戟超丹地豐貂入建章未安文
史閣獨結少年場彎弧貫葉一作影學劒動星芒翠蓋

古詩類苑卷之三十一 木部
飛城曲金鞍橫道傍調鷹向新市彈雀往睢陽行行稍
有極暮暮歸蘭房前瞻富羅綺左顧足鴛鴦蓮舒千葉
氣燈吐百枝光滿酌胡姬酒多燒荀令香不學幽閨妾
生離怨採桑

槐

槐樹詩

繁欽

嘉樹吐翠葉列在雙闕涯旖旎隨風動柔色紛陸離關
檉

檉詩

梁簡文帝

凌寒競貞節負雪固難虧無慚雲母桂詎減珊瑚枝

疏楓

詠疏楓

前人

姜綠映葭青疏紅分浪白花葉灑行舟仍持送遠客

古詩類苑卷之一百二十五



古詩類苑卷之一百二十六

雲間張之象玄超纂輯

俞顯卿子如補訂

王徹叔朗

王國材伯達校正

俞顯謨子昭

王頴玄弢叅閱

陳甲伯子

鳥部

鳳

鳳頌

薛綜

猗歟石磬金聲玉振先王搏拊以正五音百獸翔感儀
鳳舞麟在昔堯舜斯磬乃臻宗廟致敬乃肯來顧贊揚
聖德上下受祚

鳳鳥贊

郭璞

鳳皇靈鳥實冠羽羣八象其體五德其文附翼來儀應
我聖君

鳳詩

東據

有鳳適南中終日無歡娛自怨梧桐遠行飛棲桑榆奮
迅振長翼俛仰向天衢蕭韶逝無聞朝陽不可須

苻秦鳳凰歌

前秦錄曰苻堅時鳳
凰集于東闕歌之曰

鳳凰于飛其羽翼翼淵哉聖后饗齡萬億

苻堅時長安謠

晉書載紀曰苻堅時長安有此謠堅以鳳凰
非梧桐不棲非竹實不食乃植梧桐數十萬
株于阿房城以待之冲小字鳳凰
至是終為堅賊入止阿房城焉

鳳凰鳳凰止阿房

賦得威鳳棲梧桐

張正見

丹山下威鳳來集帝梧中欲舞春花落將飛秋葉空影
照龍門水聲入洞庭風別有將雛曲翻更合絲桐

鸞鳥

鸞鳥贊

郭璞

鸞翔女床鳳出丹穴拊翼相和以應聖哲擊石靡詠韶音其絕

鸞鳥 并序

范泰

昔罽賓王結且峻卯之山獲一鸞鳥王甚愛之欲其鳴而不致也乃飾以金樊饗以珍羞對之愈戚三年不鳴其夫人曰嘗聞鳥見其類而後鳴何不懸鏡以映之王從其意鸞翔形悲鳴哀響冲霄一奮而絕嗟乎茲禽何情之深昔鍾子破琴於伯牙匠石韜斤於

郢人蓋悲妙賞之不存慨神質於當年耳矧乃一舉而殞其身者哉悲夫乃為詩曰

神鸞棲高梧爰翔霄漢際軒翼颺輕風清響中天厲外患難預謀高羅掩逸勢明鏡懸高堂顧影悲同契一激九霄音響流形已斃

鶴

鶴贊

庾信

九臯遙集三山迴歸華亭別浹洛浦仙飛不防離繳先遭合圍龍摧月羽弋碎霜衣塞傳餘號關承舊名南遊湘水東入遼城雲飛欲舞露落先鳴六翮摧折九關巖

閉相顧哀鳴肝心斷絕松上長悲琴中永別

詠鶴

陰鏗

依池屢獨舞對影或孤鳴乍動軒墀步時轉入琴聲

賦得舞鶴

梁簡文帝

來自芝田遠飛度武溪深振迅依吳市差池逐晉琴
寄一作聲傳迴澗動翅拂花林欲知情外物伊洛有清潄

登板橋詠洲中獨鶴

前人

遠霧且氛氲單飛纔可分孤驚宿
思一作嶼浦羈喚下江
瀆意惑東西水心迷四面雲誰知獨辛苦江上念離羣

主人池前鶴

吳均

本自乘軒者為君階下禽摧藏多好貌清唳有奇音
稻梁惠既重華池遇亦深懷恩未忍去非無江海心

鶴詩

魏陳思王

雙鶴俱遨遊相失東海傍雄飛竄北朔雌驚赴南湘
棄我交頸歡離別各異方不惜萬里道但恐天網張

和新浦侯詠鶴

江洪

閑園有孤鶴摧藏信可憐寧望春臯下刷羽翫花鈿
何時秋海上照影弄長川曉鳴動遙怨夕唳感孀眠
哀咽芳林右憫默華池邊猶冀凌雲志萬里共翩翩

賦得華亭鶴

孔德紹

華亭失侶鶴乘軒寵遂終三山凌苦霧千里激悲風心
危白露下聲斷綵絃中何言斯物變翻復似遼東

賦得飛來雙白鶴

梁元帝

紫蓋學仙成能令吳市傾逐舞隨疎節聞琴應別聲集
田遙赴影隔霧近相鳴時從洛浦渡飛向遼東城

同前

陳後主

朔吹已蕭瑟愁雲屢合開玄冬辛苦地白鶴從風催音
響已清切毛羽復殘摧飛來進

但為失雙回儻逢

噲德當共銜珠來

齊高帝

南史曰齊高帝鎮淮陰為宋明帝所疑被徵
為黃門郎深懷憂慮見平澤有羣鶴命筆詠
之

八風儻遙翮九野美清音一摧雲間志為君苑中禽

代別鶴操

鮑照

雙鶴俱起時徘徊滄海間長弄若天漢輕軀似雲懸幽
客時結侶提携遊三山青繳凌瑤臺丹羅籠紫烟海上
悲風急三山多雲霧散亂一相失驚孤不得住緬然日
月馳遠矣絕音儀有願而不遂無怨以生離鹿鳴在深
草蟬鳴隱高枝心自有所存

別鶴

梁簡文帝

接翮同發燕孤飛獨向楚值雪已迷羣驚風復失侶

同前

吳均

別鶴尋故侶聯翮遠海間單接孟津水驚喚隴頭山

賦得獨鶴凌雲去

劉刪

藝文作劉那聲
偶作劉那並誤

孤鳴思滄海矯翮避虞機怨別悽琴曲凌風散舞衣五
里雖迴顧千年會欲歸寄語雷門鼓無復一雙飛

飛來雙白鶴

虞世南

飛來雙白鶴奮翼遠凌烟雙棲集紫蓋一舉背青田颺
影過伊洛流聲入管絃鳴羣倒景外刷羽聞風前映海

疑浮雪拂澗瀉飛泉燕雀寧知去蜉蝣不識還何言別
儔侶從此間山川顧步已相失徘徊各自憐危心猶警
露哀響詎聞天無因振六翮輕舉復隨仙

擬古

何晏

名士傳曰是時曹爽輔政識者慮有危機晏
有重名與魏姬戚內雖懷憂而無復退也著
五言詩以
言志曰

雙鶴

世說作
鴻鶴

比翼遊群飛戲太清常恐失

世說
作大

網羅憂

禍一旦并豈若集五湖順流唼浮萍逍遙放志意

寧曠
中懷

何為怵惕驚

瘞鶴銘

并序

王華陽真逸撰上皇山樵書

鶴壽不知其紀也壬辰歲得於華亭甲午歲化於朱
方天其未遂吾翔寥廓耶奚奪之遽也迺裹以玄黃
之幣藏茲山之下仙家無隱我故立石旌事篆銘不
朽詞曰

相此胎禽浮丘著經乃徵前事我傳爾銘一本作出余於上真

欲無言爾其藏靈一本作紀雷門去鼓華表留形義惟

彷彿事亦微冥爾將何之解化惟寧後蕩洪流前固重

扃右割荆門歷下華亭奚集真侶瘞爾作銘

丹陽外仙尉江陰真宰立石

陶九成輟耕錄云右刻在鎮江焦山下頑石上潮落方可模相傳為晉王右軍書惟宋畫

睿東觀餘論云為陶隱居書良是其曰今審定文格字法類陶弘景弘景自號華陽隱居今號真逸者豈其別號與又其著真誥但云巳卯歲而不著年名其他書亦爾今此銘壬辰歲甲午歲亦不書年名此又可證云壬辰歲梁天監十一年也甲午歲十三年也按隱居天監七年東游海嶽權駐會稽永嘉十一年乙未歲始還茅山其弟子周子良仙去為之作傳即十一年十三年正在華陽矣後又有題丹陽尉江陰宰數字當是效陶書故題於石側也曹士冕曰焦山瘞鶴銘筆法之妙為書家冠冕前輩慕其字而不知其人最後雲林子以為華陽隱居為陶弘景及以句曲所刻隱居朱陽館帖參校然後眾疑釋然其鑒賞可謂精矣先後傳聞不一今取其可考者次序之如此

鵠

鴻鵠歌

漢高帝

漢書曰高帝欲立戚夫人子趙王如意因而廢太子後不果戚夫人泣涕帝曰爲我楚舞吾爲若楚歌其旨言太子得四皓爲輔羽翼成就不可易也

鴻鵠高飛一舉千里羽翼已就橫絕四海橫絕四海又
可柰何雖有矰繳將一作尚安所施

臨高臺

魏文帝

臨臺行高高以軒下有水清且寒中有黃鵠往且翻
行爲臣當盡忠願今一作皇帝陛下三千歲宜居此宮

鵠欲南遊雌不能隨我欲躬銜汝口噤不能開欲負
之毛衣摧頽五里一顧六里徘徊此曲三段辭不相屬鵠欲南遊以下乃古

辭飛鵠行也

賦得飛來雙白鵠

吳邁遠

可憐雙白鵠雙雙絕塵氛連翩弄光景交頸遊青雲逢
羅復逢繳雌雄一旦分哀聲流海曲孤叫出一作絕江濱

豈不慕前侶爲爾不及羣步步一零泱千里猶待君樂
哉新相知悲來一作矣生別離持此百年命共逐寸陰移

譬如空山草零落心自知

賦得黃鵠一遠別

阮卓

蘇武詩云黃鵠一遠別千里顧徘徊

霜風秋月映樓明寡鶴偏栖中夜驚月下徘徊顧別影
風前悽斷送離聲離聲一去斷還續別響時來疎復促

聊看遠客贈綾紋彌然閑宵雅琴曲恒思昔日稻梁恩
理翮整翰上君軒獨舞輕飛向吳市孤鳴清啖出雷門
王子吹笙忽相值自覺飄飄雲裏駛一舉千里未能歸
惟有田饒解深意

鵬

大鵬贊

阮脩

踟蹰大鵬誕自北溟假精靈鱗神化以生如雲之翼如
山之形海運水擊扶搖上征

青鳥

青鳥贊

郭璞

山名三危青鳥所憇往來崑崙王母是隸穆王西征旋
軫斯地

翠鳥

翠鳥贊

蔡邕

庭阪一作前有若榴綠葉含丹榮翠鳥時來集振翼脩形
容回顧生碧色動搖揚縹青幸脫虞人機得親君子庭
馴心託君素雌雄保百齡

翡翠贊

郭璞

翠雀麋鳥越在南海羽不供用肉不足宰懷璧其罪賈
害以采

鸚鵡

山海圖鸚鵡贊

前人

鸚鵡慧鳥棲林啄藥四指中分行則以觜自貽伊籠見
幽坐伎

鷓鴣

孤鷓鴣

類要曰孔子遊于隅山見取薪而哭長梓上
有孤鷓乃承而歌之

鸛彼鳴鷓在巖山之唵

叶其淹反

鷓鴣

鷓鴣歌

衝波傳有鳥九尾孔子與子夏見之人以問
孔子曰鷓也子夏曰何以知之孔子曰河上

之歌云

羅端良曰鷓鷓言霜鷓警露

鷓兮鷓兮逆毛衰兮一身九尾長兮

烏鳶

烏鳶歌二首

吳越春秋曰越王將入吳與諸大夫別於浙
江之上羣臣垂泣越王夫人顧烏鵲啄江渚
之蝦飛去復來因歌曰

仰飛鳥兮鳥鳶凌玄虛兮號翮集洲渚兮優恣啄蝦矯
翮兮雲間任厥性兮往還旋音妾無罪兮負地有何辜兮
譴天飄獨兮西往孰知返兮何年心惓惓兮若割泫泫
泣兮雙懸
彼飛鳥兮鳶鳥已迴翔兮翕蘇心在專兮素蝦何居食
兮江湖徊復翔兮游颺去復返兮於乎始事君兮去家
終我命兮君都終來遇兮何辜離我國兮去吳妻衣褐
兮爲婢夫去冕兮爲奴歲遙遙兮難極寃悲痛兮心惻
腸千結兮服膺於乎哀兮忘食願我身兮如鳥身翱翔
兮矯翼去我國兮心遙情憤惋兮誰識

反舌

侍宴詠反舌

沈約

假容不足觀遺音猶可薦幸蒙喬樹恩得以聞高殿

百舌

詠百舌

劉孝綽

山人惜春暮旭旦坐花林復值懷春鳥枝間弄好音遷
喬聲迴出赴谷響幽深下聽長而短時聞絕復尋孤鳴
若無對百疇似羣吟昔聞屢歡昔今聽忽悲今聽聞非
殊異遲暮獨傷心

聽百舌

劉氏

徐悱妻

庭樹旦新晴
臨鏡出雕楹
風吹桃李氣
過傳一作傳過春鳥
聲淨寫山陽
笛全作洛濱
笙注意歡留
聽誤令粧不
成

長安聽百舌

韋鼎

藝文曰陳聘使韋鼎在長安聽百舌

萬里風烟異
一鳥忽相驚
那能對遠客
還作故鄉聲

聽百舌鳥

李孝貞

烟銷上路靜
漏盡禁門通
好鳥從西苑
流響入南宮
關既多緒變
轉復無窮調
驚時斷絕音
繁有異同飲
啄歸承露飛
鳴上別風未
避王孫彈寧
畏虎賁弓石
渠皆學府麟
閣悉文雄不
怯青泥印時
尋白社中

鶡

鶡贊

郭璞

鶡之為鳥同羣
相為儔類被
侵雖死不避
毛飾武士兼
厲以義

鳥

赤鳥頌

薛綜

赫赫赤鳥惟日
之精朱羽丹質
希代而生

城上鳥

吳均

嗚嗚城上鳥
翩翩尾畢逋
凡生八九子
夜夜啼相呼
質微知慮少
體賤毛衣麤
陛下三萬歲
臣至執金吾

同前

朱超

朝飛集帝城猶帶一作夜啼聲近日毛雖煖聞弦心尚驚

望棲鳥

劉孝威

夕鳥一作鳥飛參差單雄雜寡雌聯翩歸葉裏出沒噪林垂爭棲時易樹驚飛忽度枝雖無繫書重亦有含纓疲以茲憔悴力重逢輕薄兒珠丸蘇合彈金繳青絲糜豈意翩翩羽遂免更羸危入懷欣得地依林竊願知

晚棲鳥

梁元帝

日暮連翩翼俱向上林棲風多前鳥駛雲暗後羣迷路

遠聲難徹飛斜行未齊應從故鄉返幾過入蘭闥借問倡樓妾何如蕩子妻

鳥生八九子

劉孝威

城上鳥一年生九雛枝輕巢本狹風多葉早枯翮毛不自暖張翼強相呼金拆巖兮翠樓肅蜃壁光兮椒泥馥虞機衡網不得施猜鷹鷲隼無由逐永願共棲曾氏冠同瑞周王屋莫啼城上寒猶賢野中宿羽成翩備各西東丁年賦命有窮通不見高飛帝輦側遠託日輪中尚逢王吉箭猶嬰后羿弓豈如變彩救燕質入夢祚昭一作公流聲表師退集幕示營空靈臺已鑄像流蘇時候

風

烏夜啼二首

庾信

促柱繁弦非子夜歌聲舞態異前溪御史府中何處宿
洛陽城頭那得棲彈琴蜀郡卓家女織錦秦川竇氏妻
詎不自驚長淚落到頭啼烏恒夜啼

桂樹懸知遠風竿詎肯低獨憐明月夜孤飛猶未棲處
賁誰見惜御史詎相携雖言入絃管終是曲中啼

晚飛鳥

虞世基

向日晚飛低飛飛未得栖當為歸林遠恒長侵夜啼

詠死鳥

明餘慶

暮空長罷噪箭急不知驚賴餘琴裏曲猶有夜啼聲

鵲

詠鵲

梁武陵王

欲避新枝滑還向故巢飛今朝聽聲喜家信必應歸

看柳上鵲

魏收

背歲心能識登春巢自成立枯隨雨霽依枝須月明疑
是雕籠出當由抵玉驚間關拂條軟迴復振毛輕何獨
離婁意傷人但未聽

園樹有鵲巢戲以詠之

魏澹

畏玉心常駭填河力已窮夜飛還繞樹朝鳴且向風知

來寧自伐識歲不論功早晚時應至輕舉一排空

鳩

白浮鳩

吳均

瑯琊白浮鳩紫翳飄陌頭食飲東莞野棲宿越王樓

燕

鶯贊

郭璞

鶯鶯于飛瑞娥以卯玄玉爰發聖敬日遠商人是頌詠之弦歌

鶯頌

辛女傅克妻

翩翩玄鳥載飛載揚頡頏庭宇遂集我堂銜泥啄草造

作室房避彼湫隘處此高涼孕有五子靡夭靡傷羽翼既就縱心翱翔顧影逸豫其樂難忘

短歌行

魏明帝

翩翩春燕端集余堂陰匿陽顯節運自常厥貌淑美玄衣素裳歸仁服德雌雄頡頏執志精專潔行馴良銜土繕巢有式宮房不規自圓無矩而方

贈杜容成

吳均

一鷺海上來一鷺高堂息一朝相逢遇依然舊相一作識問余一作來何遲山川幾紆直荅言海路長風駛一作飛無力昔別縫羅衣春風初入帷今來夏欲晚桑扈

一作桑蛾 薄樹飛

新燕

梁簡文帝

新禽應節歸俱向吹樓飛入簾驚釧響來窻礙舞衣

詠簷燕

庾肩吾

雙燕集蘭閨雙飛高復低向戶疑新箔登巢識故泥依欄本相賀近幕願同栖

詠雙燕二首

鮑照

雙燕戲雲崖羽翰

一作翻

始差池出入南閨裏經過北堂

陸意欲巢君幕層楹不可窺沈吟芳歲晚徘徊韶景移悲歌辭舊愛銜淚覓新知

可憐雲中燕旦去暮來歸自知羽翅弱不與鵠爭飛寄聲謝飛鵠往事子毛衣瑣心誠貧薄叵吝節榮衰陰山饒苦霧危節多勁威豈但避霜雪當一作復傲野人機

和晉安王詠燕

庾肩吾

簡文有雙燕詩樂府題云雙燕離

可憐幕上燕差池弄羽衣夜夜同巢宿朝朝相對飛行泥瞻樂善相賀奉英徽秋蟬行寂寞戀此未辭歸

詠銜泥雙燕

蕭詮

銜泥金屋外表瑞玉筐中學飛疑漢妾巢幕憚吳宮爪截還猶短窠成新尚空詎竝零陵石飛舞逐春風

詠燕燕于飛應詔

江總

二月春暉暉雙燕理毛衣銜花弄藿靡拂葉隱芳菲
或在堂間戲多從幕上飛若作仙人履終向日南歸

賦得戲燕俱宿

虞世基

大厦初構與雲齊歸燕飛入正銜泥欲繞歌梁向舞閣
偶為仙履往蘭閨千里爭飛會難竝聊向吳宮比翼栖

賦得雙燕離

梁簡文帝

雙燕有雄雌照日兩差池銜花落北戶逐蝶上南枝
桂棟本曾宿虹梁早自窺願得長如此無令雙燕離

同前

沈君攸

雙燕雙飛雙情相思容色已改故心不衰雙入幕雙出
帷秋風去春風歸幕上危雙燕離銜羽一別涕泗垂夜
夜孤飛誰相知左回右顧還相慕翩翩桂水不忍渡懸
目挂心思越路縈鬱摧折意不泄願作鏡鸞相對絕

孤鸞鏡
中絕

孤燕詩

王氏
衛敬瑜妻

南史曰貞女所居戶有燕巢常雙飛來去後忽孤飛貞女感其偏棲乃以縷繫脚為誌後歲此燕更來猶帶前縷女復為詩曰

昔年無偶去今春猶獨歸故人恩義重不忍復雙飛

燕歌

續異記曰孫氏妻黃見一童子當前以釵擲之躍入雲去夜聞戶外歌曰云云尋覓巢中得一白燕
左目傷

昔填夏家冢輦泥頭欲禿今寄黃氏君非意傷我目

雉

代雉朝飛

鮑照

雉朝飛振羽翼專場挾雌一作兩恃彊力媒已驚翳又逼

蒿間潛穀盧矢直列繡頸碎錦臆絕命君前無怨色握

君手執杯酒意氣相傾死何有

雉朝飛操

梁簡文帝

晨光照麥畿平野度春暈避鷹時聳角妬壘或斜飛少

年從遠役有恨意多違不如隨蕩子羅袂拂臣一作衣

同前

吳均

二月雉朝飛橫行傍壘歸斜看水外翟側聽嶺南暈躑

躑恒欲戰耿耿恃彊威當令君見賞何辭碎錦衣

雉子班

前人

可憐雉子班羣飛集野甸文章始陸離意氣已驚狷幽

并遊俠子直心亦如箭生死報君恩誰能孤恩眄

同前二首

陳後主

四野秋原暗十步啄方前雉聲風處遠翅影雲間連箭

射妖姬笑裘值盛明然已足南皮賞復會北宮篇

古詩百首卷之三

鳥

一

三百三十一

麥壟新秋來澤雉屢徘徊花似協妬拂草乍驚媒三
春桃照李二月柳爭梅暫住如臯路當令巧笑開

同前

毛處約

春物始芳菲春雉正相追澗響連朝雉花光帶錦衣窠
跡時移影驚媒或亂飛能使如臯路相逢巧笑歸

同前

張正見

陳倉雉未飛斂翮依芳甸朱冠色尚淺錦臆毛初變雉
麥且專場排花聊勇戰唯當渡弱水不怯如臯箭

射雉

蕭有

二月春暈動曹王挾妬媒插翳依花合芟塲向野開隔

田聞雉近橫溪見影來弦明青壓碎箭落錦衣摧今日
如臯路能將巧笑迴

澤雉

無名氏

擅塲延繡頸朝飛弄綺翼飲啄常自在驚雄怕不息

雀

赤雀贊

魏陳思王

西伯積德天命攸顧赤雀銜書爰集昌戶瑞爲天使和
氣所致嗟爾後王昌期而至

古歌銅雀詞

長安城西雙員闕上有一雙銅雀宿一鳴五谷生再鳴

五谷熟

詠雀

沈 越

肌薄少滋腴色淺非丹翠不懼越王羞寧懷秦后珥
傍簷茸寒草循場啄餘穗且欣大厦成焉須鴻鵠志

同前

李孝貞

聽琴旋蔡子張羅避翟公夕宿寒林上朝飛空井中
既竝玄雲曲復變海魚風一報黃苑惠還遊萬歲宮

滄海雀

張 率

大雀與黃口來自滄海區清晨啄原粒日夕依野秣
雖憂鷲鳥擊長懷沸鼎虞况復隨時起翻飛不可拘寄言

挾彈子莫賤隋侯珠

代空城雀

鮑 照

雀乳四穀空城之阿朝食一作拾野粟夕飲冰河高飛畏

鷓鴣下飛畏網羅辛傷伊何言怵迫良已多誠不及青

鳥遠食玉山禾猶勝吳宮燕無罪得焚窠賦命有厚薄

長歎欲如何

空城雀

高孝緯

百雉何寥廓四面風雲上紈素久為塵池臺尚可仰
啾啾雀噪城鬱鬱無歡賞日暮縈心曲橫琴聊自獎

野田黃雀行

魏陳思王

古詩類考卷百五十二 鳥音
高樹多悲風海水揚其波利劍不在掌結友何須多不
見離間雀見鷄自投羅羅家得雀喜少年見雀悲拔劍
捐羅網黃雀得飛飛飛摩蒼天來下謝少年

同前

蕭 轂

弱軀媿

一作慙

彩飾輕毛非錦文不知鴻鵠志非是鳳凰

羣作風隨濁

一作濯

雨入曲應玄雲空城舊侶絕滄海故

交分寧死明珠彈且避鷹將軍

雀乳空井中

劉孝威

晉傅玄詩曰鵲巢丘城側雀乳空井中

遠去條支國心知漢德休

一作優

聊栖丞相府過今黃霸

羞挾子須閑地空井共尋求
轆轤絲綆絕桔槔冬蘇周
將憐羽翼張誰辭各背遊

鷹

詠鷹

隋煬帝

遷朔欲之衡忽投尉羅裏既以羈華絆仍持獻君子青
骹固絕儔素羽誠難擬深目表茲稱闊臆斯為美驚獸
不及奔猜禽無暇起雖蒙鞴上榮無復凌雲志

鷗

詠白鷗兼嘲別者

何遜

可憐雙白鷗朝夕水上遊

玉臺作浮

何言異棲息雌住雄不

留孤飛出漱浦獨宿下滄洲東西從此別影響絕無由

鷺

朱鷺

王僧孺

因風弄玉水映日上金堤猶持畏羅繳未得異鳥鷺聞
君愛白雉兼因重碧雞未能聲似鳳聊變色如珪願識
昆明路乘流飲復棲

同前

裴憲伯

秋來懼寒勁歲去畏冰堅羣飛向葭下奮羽欲南遷暫
戲龍池側時往鳳樓前所歎恩光歇不得久聯翩

同前

陳後主

參差蒲未齊沈漾若浮綠朱鷺戲蘋藻徘徊流澗曲澗
曲多巖樹逶迤復斷續振振雖以明湯湯今又矚

同前

張正見

金堤有朱鷺刷羽望滄瀛周詩振雅曲漢鼓發奇聲時
將赤鴈竝乍逐彩鷺行別有翻潮處異色不相驚

同前

蘇子卿

玉山一朱鷺萬里一作容與入王畿欲向天池飲還遶上林
飛金堤曬羽翮丹水浴毛衣非貪葭下食懷思自遠歸

鷓鴣

詠鷓鴣

謝朓

蕙草含初芳瑤池暖晚色得廁鴻鸞影晞光弄羽翼

詠飛來鷓鴣

梁簡文帝

飛從何處來似出上林隈口銜長生葉翅染昆明苔

鳧

詠單鳧

前人

銜苔入淺水刷羽向沙洲孤飛本欲去得影更淹留

詠寒鳧

前人

迴水浮輕浪沙場弄羽毛眇眇隨山沒離離傷海飛

阿子歌

王金珠

可憐雙飛鳧飛集野田頭飢食野田草渴飲清河流

賦得汎汎水中鳧

江總

歸鳧沸卉同亂下芳塘中出沒時銜藻飛鳴忽颺風浮
深或不息戲廣若乘空春鸚徒有賦還笑在金籠

鴈

婚禮謁文贊

鄭氏

鴈候陰陽待時乃舉冬南夏北貴其有所

代鳴鴈行

鮑照

邕邕鳴鴈鳴始旦齊行命侶入雲漢中夜相失羣離亂
以連徘徊不忍散憔悴容儀君不知辛苦風霜亦何爲

賦得隴坻鴈初飛

梁簡文帝

高翔憚潤海下去怯虞機霧暗早相失沙明還共飛隴
夾朝聲聚風急暮行稀雖弭輪臺援未解龍城圍相思
不得返且寄別書歸

夜望單飛鴈

前人

天霜河白夜星稀一鴈聲嘶何處歸早知半路應相失
不如從來本獨飛

秋夜望單飛鴈

庾信

失羣寒鴈聲可憐夜半單飛在月邊無奈人心復有憶
今暝將渠俱不眠

夜聽鴈

蕭子範

天月廣庭輝遊鴈犯霜飛連翩辭朔氣嘹唳獨南歸夜
長寒復靜燈光暖欲微悽悽不可聽何況觸愁機

於長安詠鴈

周弘正

南思洞庭水北想鴈門關稻梁俱可戀飛去復飛還

詠鴈

王褒

伺朝聞曙響妬壘有春翬豈若雲中鴈秋時塞外歸河
長猶可涉海濶故難飛霜多聲轉急風疎行屢稀園池
若可至不復怯虞機

賦得鴈送周員外戍嶺表

王胄

旅鴈別衡陽天寒關路長行斷由驚箭聲嘶爲犯霜雁

繳無人憫能鳴反自傷何如侶汎汎刷羽戲方塘

賦得始歸鴈

劉孝綽

洞庭春水綠衡陽旅鴈歸差池高復下欲向龍門飛

賦得集池鴈

庾信

逢風時迴度逐侶乍爭飛猶憶方塘水今秋已復歸

詠湖中鴈

沈約

白水滿春塘旅鴈每迴翔
唼流牽弱藻斂翮帶餘霜
羣浮動輕浪單汎逐孤光
懸飛竟不下亂起未成行
刷羽同搖漾一舉還故鄉

鴻

鴻鴈生塞北行

傅玄

魏武帝却東西門行曰鴻鴈生塞北乃在無人鄉

鳳凰遠生海西及時崑山岡
五德存羽儀和鳴定宮商
百鳥竝侍左右鼓翼騰華光
上熙遊雲日間千歲時來
翔孰若彼龍與龜曳尾泥中藏
非雲雨則不升冬伏春
迺驥退哀此秋蘭草根絕
隨化揚靈氣一何憂美萬里
馳芬芳常恐物微易歇一朝見棄忘

歸鴻

顏延之

曠且濡和風霑露踐朝暉
萬有皆同春鴻鴈獨辭歸
相鳴去澗汜長引發江畿
皦潔登雲侶連綿千里飛
長懷

河朔路緬與湘漢遠

啄木

啄木

傳玄

啄木高翔鳴啾啾飄搖林薄著桑槐獭綠樹間啄如錐
嚶嚶嚶聲正悲專為萬物作倡俳當此之時樂不可

迴

同前

左貴嬪

左貴嬪名芬思之妹少好學善綴文武帝聞而納之泰始八年拜修儀後為貴嬪姿陋無寵以才德見禮每有方物異寶必詔為賦頌以是屢獲恩賜焉

南山有鳥自名啄木飢則啄樹暮則巢宿無干於人唯

志所欲性清者榮性濁者辱

雞

長鳴雞贊

湛方生

精心妙覺獨曉冥冥風雨如晦不憊其鳴

正旦春雞贊

劉孝威

寶雞陳倉祠光表神雄飛帝漢雌鳴霸秦排膺激怒礪
翅張瞋電鞭失焰雷車折輪助標魏教擅塲齊珍名流
晉戟歌傳漢臣竊脂善盜搏穀難馴綠鸚智淺蒼鷹害
深兼姿五德歸于翰音

雞鳴篇

梁簡文帝

峙雞識將曙長鳴高樹顛啄葉疑障羽排花強欲前意
氣多驚舉颺飄獨無侶陳思助關協狸膏郗昭妬敵安
金距丹山可愛有鳳凰金門飛舞有鴛鴦何如五德美
豈勝千里翔

同前

岑德潤

鍾響應繁霜晨雞錦臆張簾迴猶侵露枝高已映光排
空下朝揭奮翼上花塲雨晦思君子關開脫孟嘗既得
依雲外安用集陳倉

雞鳴歌

無名氏

樂府廣題曰漢有雞鳴衛士主雞唱宮外舊儀宮中與臺竝不得畜雞晝漏盡夜漏起中

黃門持五夜甲夜畢傳乙乙夜畢傳丙丙夜畢傳丁丁夜畢傳戊戊夜是為五更未明三刻雞鳴衛士起唱漢書曰高帝圍項羽垓下羽是夜聞漢軍四面皆楚歌應劭曰楚歌者雞鳴歌也晉太康地記曰後漢固始銅陽公安細陽四縣衛士習此曲於闕下歌之今雞鳴歌也然則此歌蓋漢歌也按周禮雞人掌大祭祀夜嘒旦以器百官則所起亦遠矣

東方欲明星爛爛汝南晨雞登壇喚曲終漏盡嚴具陳
月沒星稀天下旦千門萬戶遞魚鑰宮中城上飛鳥鵲

賦得雞鳴高樹顛

梁簡文帝

阮藉永懷詩曰晨雞鳴高樹命駕起旋歸然則此非樂府也

碧玉好名倡夫婿侍中郎桃花全覆井金門半隱堂時
欣一來下復比雙鴛鴦雞鳴天尚早東烏定未光

賦得晨雞高樹鳴

張正見

晨雞振翮鳴出迥擅奇聲蜀郡隨金馬天津應玉衡
摧冠驗遠石繫火出連營用江道事爭棲斜揭暮解翼橫飛度
試飲淮南藥翻上仙都樹枝低且候潮葉淺還承露承
露觸嚴霜葉淺伺朝陽猜羣怯寶劍勇戰出花嘗當損
黃金距誰論白玉璫長鳴逢晉帝恃氣遇周王流名說
魯國分影入陳倉不復愁苻朗猶能感孟嘗

鬪雞篇

魏陳思王

遊目極妙伎清聽厭宮商主人寂無為眾賓進樂方長
筵坐戲客鬪雞閒觀樂府作觀閒房羣雄正翕赫雙翅自飛

揚揮羽激

樂府作邀

清風博

樂府作捍

目發朱光紫落輕毛散嚴

距往往傷長鳴入青雲翮翼獨翱翔願蒙狸膏助常得
擅此場

鬪雞

應場

戚戚懷不樂無以釋勞動兄弟遊戲場命駕迎眾賓二
部分曹伍羣雞煥以陳雙距解長綵飛踊超敵倫芥羽
張金距連戰何繽紛從朝至日夕勝負尚未分專場駢
眾敵剛捷逸等羣四坐同休贊賓主懷悅欣博奕非不
樂此戲世所珍

同前

劉楨

丹雞被華采雙距如鋒芒願一揚炎威會戰此中唐利
爪探玉除瞋目含火光長翹驚風起勁翮正敷張輕舉
奮勾喙電擊復還翔

同前

梁簡文帝

歡樂良無已東郊春可遊百花非一色新田多異流龍
尾橫津漢車箱起戍樓玉冠初警敵芥羽忽猜儔十日
嬌既滿九勝勢恒邁脫使田饒見堪能說曾侯

鬪雞篇

劉孝威

丹雞翠翼張妬敵復專場翅中含芥粉距外耀金芒氣
踰上黨烈名貴下韞良祭橋愁魏后食跖忌齊王願賜

淮南藥一使雲間翔

鬪雞

徐陵

季子聊為戲陳王欲騁才花冠已衝力金爪復驚媒鬪
鳳羞衣錦雙鸞耻鏡臺陳倉若有信為覓寶雞來

同前

庾信

開軒望平子驟馬看陳王狸膏燻鬪敵芥粉塋春場解
翅蓮花動猜羣錦臆張

看鬪雞

王褒

躡蹠始橫行意氣欲相傾妬敵金芒起猜羣芥粉生入
場疑挑戰逐退似追兵誰知函谷下人去獨開城

賦得鬪雞東郊道

曹子建名都篇曰鬪雞東郊道走馬長楸間

褚玠

春郊鬪雞侶捧敵兩逢迎一作羣排袖出帶勇向場

驚錦毛侵距散芥羽雜塵生還同戰勝罷耿介寄前鳴

詠老敗鬪雞

周弘正

少壯摧雄敵眄視生猜忌一隨年月衰摧頽落毛駛閑

觀春光滿東郊草色異無復先鳴力空餘擅場意

精衛

精衛贊

郭璞

炎帝之女化為精衛沈形東海靈爽西邁乃銜木石以

填攸害

雜鳥

嗽金鳥

酉陽雜俎曰嗽金鳥出昆明國形如雀色黃常翔翔于海上魏明帝時其國來獻此鳥餽以真珠及龜腦常吐金屑如粟鑄之乃為器服宮人爭以鳥所吐金為釵珥謂之辟寒金以鳥不畏寒也宮人相嘲弄曰

不服辟寒金那得帝王心不服辟寒鈿那得帝王憐

比翼鳥贊

郭璞

鳥有鷦鷯似鳧青赤雖云一質氣同體隔延頸離鳴翻

能合翮

歸鳥四章

陶淵明

翼翼歸鳥晨去于林遠之八表近憇雲岑和風不洽翻
翻求心顧儔相鳴景庇清陰
翼翼歸鳥載翔載飛雖不懷游見林情依遇雲頡頏相
鳴而歸遐路誠悠性愛無遺

翼翼歸鳥馴林徘徊豈思天路欣及舊棲雖無昔侶眾
聲每諧日夕氣清悠然其懷

翼翼歸鳥戢羽寒條遊不曠林宿則森標晨風清興好
音時交贈繳奚施已卷安勞

卷與
倦同

詠獨栖鳥

朱超

河水聞寒已成凍塞草愁霜懸自衰可念無端失林鳥
此夜逆風何處歸列網遮山不聽度懸冰繞樹滑難依
細石似燕能隨雨片木作鳶猶解機但令積風多少便
何患有翼不能飛奇語故林無數鳥會入羣裏比毛衣
送劉員外同賦陳思王詩得好鳥鳴高枝

劉斌

春林已自好時鳥復和鳴枝交難奮翼谷靜易流聲聞
關纔得性繒繳遽相驚安知背飛遠拂露獨晨征

古詩類苑卷之一百二十六

古詩類苑卷之一百二十六

古詩類苑卷之一百二十七

雲間張之象玄超纂輯

俞顯卿子如補訂

王徽叔朗

王國材伯達校正

俞顯謨子昭

王頴玄弢參閱

陳甲伯子

獸部

麟

古詩類苑卷之二十七

獲麟歌

孔子

孔叢子曰叔孫氏之車子鉏商樵於野而獲
麟焉衆莫之識以爲不祥棄之五父之衢冉
有告曰麋身而肉角豈天之妖乎夫子往觀
焉泣曰麟也麟出而死吾道窮矣乃歌云

唐虞世兮麟鳳遊今非其時來何求麟兮麟兮我心憂

麟頌

蔡邕

皇矣大角降生靈獸視明禮修麒麟來孚春秋既書爾
來告就庶士子鉏獲諸西狩

麒麟頌

薛綜

懿哉麒麟惟獸之伯政平覲景否則戢足德以衛身不
布牙角屏營唐日帝堯保祿委體大吳以昭遐福天祚
聖帝享茲萬國

同前

西涼武昭王

一角圓蹄行中規矩游必擇地翔而後處不入陷窞不
罹網罟德無不王爲之折服

麟贊

郭璞

麟惟靈獸與麋同體智在隱蹤仁表不抵孰爲來哉宣
尼揮涕

犀

犀贊

前人

犀之為狀形兼牛豕力無不傾吻無不靡以賄嬰灾因
乎角倚

同前

萬震

獸曰玄犀處自林麓食惟棘刺體兼五肉或有神異表
露以角音錄含精吐烈望如華燭置之荒野禽獸莫觸

象

山海經圖象贊

郭璞

象實魁梧體巨貌詭肉兼十牛目不踰豕望頭如尾動
若丘徙

象贊

萬震

象之為獸形體特詭身倍數牛目不踰豕鼻為口役望
頭若尾馴良豕教聽言則詭素牙玉潔載籍所美服重
致遠行如丘徙

兕

山海圖兕贊

郭璞

兕惟壯獸似牛青黑力無不傾自焚以革皮克武備角
助文德

豕

封豕豪彘贊

前人

有物貪婪號曰封豕薦食無厭肆其殘毀弄乃飲羽獻帝效技

剛鬣之族號曰豪豨毛如攢錐中有激矢厥體兼資自為牝牡

徃徃

徃徃贊

前人

能言之獸是謂猩猩厥狀似猴號音若嚶自然知徃頗識物情

羊

鄭氏婚禮謁文贊

羣而不黨跪乳有義

山海經圖臧羊贊

郭璞

月氏之羊其類在野厥高六尺尾亦如馬何以審之事在爾雅

貔

貔贊

前人

書稱猛士如虎如貔貔蓋豹屬亦曰執夷白狐之云自是而非

橐駝

山海經圖橐駝贊

前人

駝惟奇畜肉鞍是被迅驚流沙顯功絕地潛識泉源徵
乎其智

駁

駁贊

前人

駁惟馬類實畜之英驤首騰旄噓天雷鳴氣無不凌吞
虎辟兵

駒駝

駒駝贊

前人

駒駝野駿產自北域交頸相摩分背翹陸雖有孫陽終
不在服

馬

為龍馬頌

黃伯仁

夫龍馬之所出丁太蒙之荒域稟神祇之純化乃大宛
而再育資玄螭之表像似靈虬之汪則奪腰裏之體勢
逸飛兔之高蹤兼驥駟之美質豈驂駟之足雙耳如剡
笏目象明星雙壁似月蘭筋參情

馬贊

郭璞

馬出明精祖自天駟十閑六種各有名類三才五御駑

駿異轡

黃澤謠

穆天子傳曰天子東遊于黃澤使宮樂謠云

黃之池一作其馬歎沙歎輪也善問切沙叶音莎皇人威儀叶音黃

之澤叶遠各反其馬歎玉叶音珽皇人受補註作壽穀叶同玉

馬詩

劉恢

東臯有一駿名曰千金駒絡首纏駿尾養以甘露芻

天馬引

傅綽

驄色表連錢出冀後來燕取用偏開地為歌乃號天權

奇意欲遠蹊蹠勢難前本珍白玉鐙因飾黃金鞭願酬

芻秣寵千里得千年

秦穆公馬贊

庾信

駿馬遇盜秦君不瞑先傾美酒翻畏傷人隣兵向國窮

寇侵秦于時大盜還作功臣

賦得馬

劉珊

獨飲臨寒窟離羣思北風陳王欲觀舞御史自隨驄邊

聲隕客淚果下益桃紅恒持沛艾影解向平陵東

白楊行

傅玄

古今樂錄曰王僧虔技錄有白楊行今不歌

青雲固非青當雲柰白雲驥從西北馳來吾何憶驥來

對我悲鳴舉頭氣凌青雲當柰此驥正龍形蹠足蹉跎

長坡下蹇驢慷慨敢與我爭馳躑躅鹽車之中流汗兩

耳盡下垂雖懷千里之逸志當時一得施白雲影影舍
我高翔青雲徘徊戢我愁啼上眄增崖下臨清池日欲
西移既來歸君君不一顧仰天太息當用生為青雲乎
飛時悲當奈何耶青雲飛乎

黃龍中童謠

周處風土記云吳黃龍中童謠後
孫權征公孫淵浮海乘船舶白也

行白者君追汝句驪馬

涼州大馬歌

晉書曰張軌永寧初為涼州刺史王彌寇洛
陽軌遣北宮屯張纂馬魴陰濬等率州軍擊
破之又敗劉聰于
河東京師歌之曰

涼州大馬橫行天下涼州鳴苕寇賊消鳴苕翩翩悽殺
人

風俗通語

蝦蟇一跳八尺再跳丈六從春至夏裸袒相逐無他所
作掉尾肅肅按蝦蟇無尾當言夏馬夏馬
患蠅蚋掉尾擊之故肅肅也

繫馬

梁簡文帝

青驪沈赭汗綠地懸花蹄未垂青鞞尾猶掛紫障泥蹠
足絆中憤搖頭櫪上嘶紫關如未息直去取榆溪

後園看騎馬

梁元帝

良馬出蘭池連翩驅桂枝鳴珂隨踟躕輕塵逐影移香

來知驟近汗斂覺風吹遙望黃金絡懸識幽并兒

高平牧馬詩

董紹

北史曰紹為賀拔岳諮議參軍岳
携紹於高平牧馬紹悲而賦詩曰

走馬山之阿馬渴飲黃河寧謂胡關下復聞楚客歌

君馬黃二首

張正見

幽并重騎射征馬正盤桓風去嘶聲

一本作
長嘶

遠水堅度

足寒出關聊變色上坂屢停鞍即今隨御史非復在樓

蘭

五色乘馬黃追風時滅沒血汗染龍花胡鞍抱秋月唯
騰渥洼水不飲長城窟詎待燕昭王千金市駿骨

同前

蔡君知

君馬經西極臣馬出東方策舉浮雲影珂連明月光水
凍恒傷骨蹄寒為踐霜躊躇嗟伏櫪空想欲從良

紫駱馬

梁簡文帝

賤妾朝下機正值良人歸青絲懸玉鐙朱汗染香衣驟
急珂彌響躡多塵亂飛彫菰幸可薦故心君莫違

同前

梁元帝

長安美少年金絡鐵連錢宛轉青絲鞚照耀珊瑚鞭依
槐復依柳蹠蹠復隨前方逐幽并去西北共聯翩

同前二首

陳後主

一
言
類
考
卷
三
一
騾
姚紫塞歸蹀躞紅塵飛玉珂鳴廣路金絡耀晨輝蓋
轉時移影香動屢驚衣禁門猶未閉連騎恣相追
一作莫相

蹀躞紫騮馬照耀白銀鞍直去黃龍外斜趨玄菟端垂
韃還細柳揚塵歸上蘭紅臉桃花色客別重羞看

同前

徐陵

玉鐙繡纏鬃金鞍錦覆幪風驚塵未起草淺埒猶空角
弓連一作穿雨免珠彈落雙鴻日斜馳逐罷連翩還上東

同前
英華作蘇子卿

祖孫登

候騎指樓蘭長城迥路難嘶從風處斷骨住水中寒飛

塵暗金勒落淚灑銀鞍抽鞭上關路誰念客衣單

同前

江總

春草正萋萋蕩婦出空閨識是東方騎猶帶北風嘶揚
鞭向柳市細蹀上金堤願君憐織素殘妝尚有啼

同前

陳暄

天馬汗如紅鳴鞭度九嶷飲傷城下凍嘶依北地風笳
寒芳樹歇笛怨柳枝空橫行意未已羞往轂車中

同前

李燮

紫鷲忽踟躕紅塵起路隅圉人移首宿騎士逐靡蕪三
邊追黠虜一鼓定疆胡安用珂爲玉自有汗成珠

同前

獨孤嗣宗

倡樓望早春寶馬度城闈照曜桃花逕蹀躞採桑津金
羈麗初景玉勒染輕塵遠聽珂驚急猶一作是畫眉人

同前

張正見

將軍入大宛善馬出從戎影絕乾河上聲流入水作窟
中似鹿猶依草如龍欲向空須還十萬里試爲一追風

驄馬驅

劉孝威

翩翩驄馬驅橫行復斜趨先救遼城危後拂燕山霧風
傷易水湄日入隴西樹未得報君恩聯翩終不住

同前

梁元帝

朔方寒氣重胡關饒苦霧白雪晝疑山黃雲宿埋樹連
翩行役子終朝征馬驅試上金微山還看玉關路驅叶都故切

同前

劉孝威

十五官一作宦期門二十屯邊徼犀羈玉鏤鞍寶刀金錯
鞞一隨驄馬驅分受青蠅弔且令都護知願被將軍照
誓使羶衣鄉掃地無遺噍

驄馬

車 鼓

驄馬鏤金鞍柘彈落金丸意欲驟驪樂府作趨驪走先作野
遊盤平明發下蔡日中過上蘭路遠行須疾非是畏人

看

驄馬驅

徐陵

白馬號龍駒彫鞍名鏤渠一作諸兄二千石小婦字羅

敷倚端輕掃史一作召募擊休屠塞外多風雪城中絕

詔書空憶長楸下連蹠復連蹠

同前

江總

長城兵氣寒飲馬詎為難暫解青絲轡行歌鏤衢鞍白

登圍轉急黃河凍不乾萬里朝飛電論功易走丸

驄馬

庾抱

櫪上浮雲驄本出吳門中發跡來東道長鳴起北風迴

鞍拂柱白赭汗類塵紅滅沒徒留影無因圖漢宮

同前

王由禮

善馬金羈飾躡影復凌空影入長城水聲隨胡地風鞞

斂青門外珂喧紫陌中行行苦不倦唯當御史驄

飲馬長城窟行

陳後主

征馬入他鄉山花此夜光離羣嘶向影因風屢動香月

色含城暗秋聲雜塞長何以酬天一作子馬革報疆場

同前

張正見

秋草朔風驚飲馬出長城羣驚還怯飲地險更宜行傷

冰斂凍足畏冷急寒聲無因度吳坂方復入羗城

同前

尚法師

長城征馬度橫行且勞羣入水穿凍水飲浪聚流文澄
鞍如清月照影若流雲別有長松氣自解逐將軍

西齋行馬

梁簡文帝

晨風白金絡桃花紫玉珂影斜鞭照曜塵起足蹉跎任
俠稱六輔輕薄出三河風吹鳳凰袖日映織成靴遠江
艦舳少遙山煙霧多雲開瑪瑙葉水淨琉璃波廣路拂
青柳廻塘遶碧莎不效孫吳術寧須趙李過

賦得登山馬

梁元帝

登山馬一本疊逕
小二字逕小馬纔通汗赭疑沾勒衣香不逐

風何殊隴頭望遙識祁連東

登山馬

梁簡文帝

登山馬一本疊間
樹二字間樹識金裝草合宜羈短影轉見鞭
長何殊八公岫暫上淮南王

詠老馬

沈炯

昔日從戎陣流汗幾東西一日馳千里三丈拔深泥渡
水頻傷骨翻霜屢損蹄勿言年齒暮尋途尚不迷

和人以妾換馬

梁簡文帝

功名幸多種何事苦生離誰言似白玉定是媿青驪必
取匣中釧廻作飾金羈真成恨不已願得路傍兒

和竟陵愛妾換馬

劉孝威

驄馬出樓蘭一步九盤桓小史贖金絡良工送玉鞍龍
駮來甚易烏孫去實難麟膠妾猶有請為急絃彈

以妾換馬

庾肩吾

渥水出騰駒湘川實應圖來從西北道去逐東南隅琴
聲悲玉匣山路泣靡蕪似鹿將含笑千金會不俱

賦得愛妾換馬

僧法宣

朱鬣飾金鑣紅妝束素腰似雲來蹊蹠如雪去飄飄桃
花含淺汗柳葉帶餘嬌騁先將獨立雙絕不玉臺作難俱標

賦得俠客控絕影

陽縉

陸士衡擬古詩曰俠客控絕景都人駮玉軒

青門小苑物華新花開鳥弄會芳春仙掌層臺浮麗日
長楸廣路起紅塵園中追尋桃李徑陌上逢迎遊俠人
遊俠英名馳上國人馬意氣俱相得白玉鹿盧秋水劍
青絲宛轉黃金勒復有魚目竝龍文躡影追風本絕羣
影入吳門疑曳練形來西北似浮雲寄語幽并馳射客
未肯推門一作持借君

賦得邊馬有歸心

沈炯

王瓚詩云朔風動秋草邊馬有歸心

窮秋邊馬肥向塞甚思歸連鑣渡蒲海東舌下金微已

却魚麗陣將摧鶴翼圍彌憶長楸道金鞭

一作背落暉

鮑氏驄

述異記曰故司隸鮑子都少時舉上計於道遇一書生卒得心痛子都下車為按摩奄忽而卒不知姓字有素書一卷銀十筋即賣一筋以資殯殮其餘以枕之素書著腹上埋之未至京師有驄馬隨之遇一關內侯家住宿侯問曰若何以致此馬子都因說之係乃驚愕曰此吾兒也使迎喪開棺視銀書如所言侯乃薦子都辟公府至司隸子永孫昱俱為司隸皆復乘驄馬故京師歌之曰

鮑氏驄三入司隸再入公馬雖瘦行步工

民謠

益部耆舊傳曰王忱字少林詣京師於客邸見諸生病甚困生謂忱曰腰下有金十斤願

信哉少林世為遇飛被走馬與鬼語

爰

白爰贊

郭璞

白爰肆巧由基撫弓應躬而號神有先中數如循環其妙無窮

漁者歌

古詩項宅卷三

狀部

古

三百六十一

以相與乞收藏尸骸未問姓名呼吸因絕忱賣金一斤以給棺絮九斤置生腰下後置大度亭長到亭日有馬一疋至亭中具日大風有一繡被隨風來後忱馳馬突入金彥父見曰得真盜矣忱說得狀又取被示之彥父悵然曰被馬俱止卿有何陰德忱具說堯諸生事彥父曰此吾子也遣迎彥喪金具存民謠之曰

荊州記曰峽長七百里兩岸連山畧無絕處重巖疊障隱天蔽日常有高猿長嘯屬引清

遠漁者歌曰

巴東三峽巫峽長猿鳴一聲淚沾裳

世說新語曰桓公入蜀至三峽中部

伍中有得猿子者其母緣岸哀號行百餘里不去遂跳上船至便絕破視其腹中腸皆寸寸斷公聞之怒命黜其人

石塘瀨聽猿

沈約

噉噉夜猿鳴溶溶晨霧合不知聲遠近惟見山重沓既歡東嶺唱復佇西巖峇

賦得夜猿啼

蕭詮

桂月影才通猿啼迥入風隔巖還嘯侶臨潭自響空挂

藤疑欲飲吟枝似避弓別有三聲淚霑裳竟不窮

牛

碎厭青牛畫贊

劉孝威

泰山怒特吳渚神牛氣噓風噴精迴電流詎牽和鞅不入裴鞅狡力難京肆怒橫行朗陵瑩角介葛瞻聲遁仙託稱妖寇馮名名震八區威陵五都蓄勇槽側息憤場隅讐覽獻豆滕嬰進芻雄兒楷式悍士規模曹興拂采徐邈成圖

州留

鬱林異物志

曰州留者其實水牛蒼毛豕身用若擔毛衛護其犢與

虎爲雙言

詠死牛

柳 晉

一朝辭紺幘千里別黃河對衣徒下泣扣角詎聞歌

犬

賦犬

張 儼

守則有威出則有獲韓獪宋鵠書名竹帛

鹿

白鹿頌

薛 綜

皎皎白鹿體質馴良其質皓曜如鴻如霜

白鹿詩

并序

袁山松

荆門山臨江皆絕壁峭峙壁立百餘丈亘帶激流禽獸所不能履北岸有一白鹿鹿泗過江行人見之秉刀競逐謂至山下必得鹿忽然若飛超岡而去于今此壁以白鹿名焉

白鹿乃在上林西苑中射工尚復得白鹿哺啗之黃鵠摩天極高飛宮人尚復得黃鵠烹煮之

狼

白狼贊

郭 璞

矯矯白狼有道則遊應符變質乃銜靈鈎惟德是適出殷見周

虎

半虎謠

王隱晉書曰太康六年荆州送兩足虎時尚書郎索靖議稱半虎博令王鈗為文曰

般般白虎觀釁荆楚孫吳不逞金皇赫怒

時人語

述異記漢宣城守封邵化為虎食郡民時人語曰

無作封使君生不治民死食民

時人謠

商氏世傳曰商亮字子華舉孝廉到陽城遇兩虎爭一羊亮按劍直前斬羊虎各以其半去時人為之謠曰

石里之勇商子華暴虎見之藏爪牙

比肩獸

比肩獸贊

郭璞

蟹與距虛乍兔乍鼠長短相濟彼我俱舉有若自然同心共膂

狐

山海經圖九尾狐頌

前人

青丘奇獸九尾之狐有首翔見出則銜書作瑞周文以標靈符

塗山歌

吳越春秋曰禹年三十未娶行塗山恐時之暮失其度制乃辭云吾娶也必有應矣乃有白狐九尾造於禹禹曰白者吾之服也九尾者王之證也於是塗山之人歌之禹因娶塗山謂之女嬌

綏綏白狐九尾麗麗我家嘉夷來賓為王成子室家我

都攸昌一作成家成天人之際於茲則行叶明叶矣哉

呂氏春秋曰禹年三十未娶行塗山有白狐九尾造禹塗山人歌曰綏綏白狐九尾麗麗成子家室乃都攸昌娶之

武平初童謠

北齊後主

隋書五行志曰武平元年童謠按其年四月龍東王胡長仁謀遣刺客殺和士開事露反為士開所譖而死

狐截尾你欲除我我除你

鼠

鼯鼠贊

郭璞

有鼠豹采厥號為鼯漢朝莫知郎中能各賞以東臯雅業遂盛

山海經飛鼠贊

前人

或以尾翔或以髯凌飛鼠鼓翰倏然背騰用無常所唯

山海經曰丹雘之山有獸焉其狀如鼠而兔首麋耳其音如嗥犬以尾飛名曰耳鼠

神所憑

鼯鼠贊

前人

鼯之為鼠食烟棲林載飛載乳乍獸乍禽皮籍孕婦人為大任

鼯鼠贊

前人

小鼠曰鼯實有螫毒乃食郊牛不恭是告厥譴惟小微乎其覺

鼯鼠贊

前人

五能之鼠伎無所執應氣而化翻飛駕集詩人歌之無食我粒

古詩類苑卷之一百二十七

古詩類苑卷之一百二十八

雲間張之象玄超纂輯

俞顯卿子如補訂

王徹叔朗

王國材伯達校正

俞顯謨子昭

王頰玄弢叅閱

陳甲伯子

鱗介部

龍

龍贊

郭璞

龍魚一角似鯉居陵侯時而出神靈攸乘飛驚九域乘雲上升

龍銘

傅玄

麗哉神龍誕應陽精潛景九淵飛曜天庭屈伸從時變化無形偃伏汗泥上凌太清

飛龍引

蕭愨

河曲銜圖出江上負舟歸欲因作雨去還逐景雲飛引商吹細管下徵泛長徽持此淒清引春夜舞羅衣

燭龍贊

郭璞

天缺西土龍銜火精氣為寒暑眼作昏明身長千里可謂至靈

蛟贊

前人

匪蛟匪龍鱗采暉煥騰躍濤波蜿蜒江漢武飲羽飲飛登斷

蛇

蚺蛇贊

楊氏南裔異物志云九真山多大蛇名蚺蛇長十丈圍七八尺吞鹿角骨鑽皮出夷以大竹籤殺而食之蚺惟大蛇既洪且長采色駁犖其文錦章食大吞鹿腴

成養創賓享嘉燕是豆是觴

靈虵銘

傅玄

嘉茲靈虵斷而能續飛不須翼行不假足上騰霄霧下遊山嶽進此明珠預身龍族

長虵贊

郭璞

長虵百尋厥鬣如翬飛羣走類靡不吞噬極物之惡盡毒之厲

騰虵贊

前人

騰虵配龍因霧而躍雖欲昇天雲龍陸莫材非所任難以久託

巴虵贊

前人

象實巨獸有虵吞之越出其骨三年為期厥大何如屈生是疑

蟒虵贊

前人

蠢蠢萬生成以類長惟虵之君是謂巨蟒小則數尋大或百丈

枝首虵贊

前人

夔稱一足虵則二首少不知無多不覺有雖資天然無異駢拇

孫叔敖逢枝首虵贊

庾信

叔敖朝出容悴還家母氏顧訪知埋怪虵爾有陰德陽報將加終為楚相卒有榮華

龜

爾雅龜贊

郭璞

天生神物十朋之龜或游於火或游於著

象

一二歸疊疊致用極數盡幾

山海經圖螭龜贊

前人

水圖三 潛源溢沸靈龜爰處掉尾養氣莊生是戚揮

竿傲貴

詠龜詩

趙儒宗

有靈堪託夢無心解自謀不能著下伏強從蓮上游負圖非所冀支牀空見留儻蒙一曳尾當為屢回頭

龜黃語

別國洞冥記曰影娥池中有鼈龜望其羣出岸上如連璧弄於沙岸也故語曰

夜未央待龜黃

魚

飛魚贊

郭璞

山海經曰輸次之山有鳧名素蜚服之不畏雷蜚音肥

飛魚如豚赤文無君食之辟兵不畏雷音

古詩負龜卷三

鱗

日

三十一

比目魚贊

前人

比目之鱗別號王餘雖有二片其實一魚協不能密離
不為疏

烏鰂

萬震海物異名記

烏鰂入足集足在口縮喙在腹形類鞋囊其名烏鰂滄
波澀墨迷射水慝

鮫魚

楊孚交州異物志

鮫之為魚其子既育驚必歸母還入其腹小則如之大
則不復

詠躍魚應詔

張率

戢鱗隱繁藻頌首承淥漪何用游溟澥且躍天淵池

詠魚

岑德潤

劒影侵波合珠光帶水新蓮東自可戲安用上龍津

詠石鯨應詔

周弘正

石鯨何壯麗獨在天池陰騫鰭類橫海半出似浮深吞
航本無日吐浪亦難尋聖帝遊靈沼能懷躍藻心

枯魚過河泣

古辭

枯魚過河泣何時悔復及作書與魴魚相教慎出入

諺語

毛詩義疏曰魴似魴而大頭魚之不美者

古詩類考卷百二十一 鱖魚音

買魚得鱖不如噉茹

阮卓

賦得蓮下游魚
春色映澄波涵泳且相隨未上龍門路聊戲芙蓉池觸浪蓮香動乘流葉影披相忘自有樂莊惠豈能知

賦得魚躍水花生

張正見

漾色桃花水相望濯錦流躍浦疑珠出依池似鏡浮凌波銜落藥觸餌避沈鈞方遊蓮葉外詎入武王舟

蟲豸部

蜂

詠蜂

梁簡文帝

逐風從泛漾照日乍依微知君不留眄銜花空自飛

蝶

蝶蝶行

古辭

蝶蝶之遨遊東園柰何卒逢三月養子燕接我首荷間披之我入紫深宮中行纏之傳樽櫺間雀來燕燕子見銜哺來搖頭鼓翼何軒奴軒

同前

李鏡遠

青年已布澤微蟲應節歡朝出南園裏暮依華葉端菱舟追或易風池渡更難羣飛終不遠還向玉階蘭

詠蛺蝶

梁簡文帝

空園暮烟起逍遙獨未歸翠鬣藏高柳紅蓮拂水衣復
此從風蝶雙雙花上飛寄與相知者同心終莫違

詠素蝶

劉孝綽

隨蜂遶綠蕙避雀隱青微映日忽爭起因風乍共歸出
沒花中見參差葉際飛芳華幸勿謝嘉樹欲相依

詠花蝶

溫子昇

素蝶向林飛紅花逐風散花蝶俱不息紅素還相亂芬
芬共襲手葳蕤從可玩不慰行客心遽動離居歎

賦得蝶依草應令

徐防

秋園花落盡芳菊數來歸那知不夢作眠覺也恒飛

螢

螢火贊

郭璞

熠燿宵行蟲之微公出自腐草烟若散漂物之相煦孰
知其陶

詠螢

梁簡文帝

本將秋草并今與夕風輕騰空類星霄拂樹若花生屏
疑神火照簾似夜珠明逢君拾光彩不恡此身傾

詠螢火

沈旋

火中變腐草明滅靡恒調雨墜弗虧光陽昇反奪照泊
樹類奔星集草疑餘燎望之如可灼攬之徒有耀

賦得照帙秋螢

陽縉

秋窻餘照盡入暗早螢來忽聚還同色恒然詎落灰飛
影黃金散依帷縹帙開含明終律祖作自不息夜月空徘徊

詠螢火

梁元帝

著人疑不熱集草訝無烟到來燈下暗翻往雨中然

月中飛螢

紀少瑜

遠度時依幕斜來如畏窻尚月光還盡臨池影更雙

蟬

蟬贊

郭璞

蟲之精潔可貴惟蟬潛蛻棄歲飲露恒鮮萬物皆化人

胡不然

同前

梁昭明太子

茲蟲清絜惟露是餐寂寞秋序咽嘶夏闌定伊不矣矐
彼華冠

聽早蟬

梁簡文帝

草歇鷓鳴初蟬思花落後乍飲三危露時陰五官柳莊
書晒鵬翼衛賦宜螭首桂樹可淹留勿謂山中久

同陸廷尉驚早蟬

沈君攸

日暮野風生林蟬候節鳴望枝疑數處尋空定一聲地
幽吟不斷葉動噪羣驚獨有河陽令偏嫌秋翅輕

詠早蟬

范雲

生隨春冰薄質與秋塵輕端綬挹霄液飛音承露清

賦得蟬

褚澧

避雀芳一作喬枝裏飛空華殿曲天寒響屢嘶日暮聲愈促繁吟如欲盡長韻還相續飲露非表清輕身易知足

詠蟬

江總

白露涼風吹朱明落照移鳴條噪林柳流響遍臺池忖聲如易得尋忽却難知

同前

劉刪

聲流上林苑影入守臣冠得飲玄天露何辭高柳寒

聽蟬鳴應詔

沈約

輕生宅園籞復得棲嘉樹豈敢擅洪枝輕條遭所遇葉密形易揚風迴響難住

和陽納言聽鳴蟬篇

顏之推

聽秋蟬秋蟬非一處細柳高飛夕長楊明月曙歷亂起秋聲參差攪人慮單吟如轉簫羣噪學調笙飄流曼響多含斷絕聲垂陰自有樂飲露獨為清短綉何足貴薄羽不羞輕蟾蜍翳下偏難見翡翠竿頭絕易驚容止由來桂林苑無事淹留南斗城城中帝皇里金張及許史權勢熱如湯意氣誼城市劔影奔星落馬色浮雲起

鼎俎陳龍鳳金石諧宮徵關中滿季心關西饒孔子詎
用虞公立國臣誰愛韓王游說士紅顏宿昔同春花
素髮俄傾變秋草中腸自有極那堪教作轉輪車此篇見初
學記紅顏以下
脆誤俟再考

聽鳴蟬篇

盧思道

北史本傳曰周武帝平齊授思道儀同三司
追封長安與同輩陽休之等數人作聽鳴蟬
篇思道所為詞意清切為時人所重
新野庾信徧覽諸同作者而歎美之
聽鳴蟬此聽悲無極羣嘶玉樹裏迴噪金門一作側長
風送晚聲清露供朝食晚風朝露實多宜秋日高鳴獨
見知輕身蔽數葉哀鳴抱一枝流亂罷還續酸傷合更

離暫聽別人心卽斷纔聞客子淚先垂故鄉已超忽空
庭正蕪沒一夕復一朝坐見涼秋月河流帶地從來嶮
峭路干天不可越紅塵早弊陸生衣明鏡空悲潘掾髮
長安城裏帝王州鳴鍾列鼎自相求西望漸臺臨太液
東瞻甲觀距龍樓說客恒持小冠出越使常懷寶劍遊
學仙未成便尚主尋源不見已封侯富貴功名本多豫
繁華輕薄盡無憂詎念嫋姚嗟木梗誰憶田單一作倦
土牛歸去來青山下秋菊離離日堪把獨焚枯魚宴林
野終成獨校子雲書何如還驅少遊馬

後堂聽蟬

蕭子範

古詩類苑卷一百六 蟲豸音 十一
試逐微風遠聊隨夏葉繁輕飛避楚雀飲露入吳園流
音繞叢藿餘響切高軒借問邊城客傷情寧可言

賦得秋蟬咽柳應衡陽王教 張正見

秋鴈寫一作氣爽遙天園柳集驚蟬競噪長枝裏爭飛落木
前風高知響急樹近覺聲連長楊流唱盡詎識蔡邕絃

賦得高柳鳴蟬 王由禮

園柳吟涼久嘶蟬應序驚露下綫恒濕風高超轉輕葉
疎風更迴秋深響自清何言枝裏翳遂入蔡琴聲

賦新題得寒樹晚蟬疎 張正見

寒蟬噪楊柳朔吹犯梧桐葉迴飛難住枝殘影共空聲

疎飲露後唱絕斷絃中還因搖落處寂寞盡秋風

顛當

秦中兒童戲語

西陽雜俎曰蠲蟬成式書齋多此蟲蓋好窠於書卷也或在筆管中况聲可聽有時開卷視之悉是小蜘蛛大如蠅虎旋以泥隔之時方知不獨負桑蟲也顛當成式書齋前每雨後多顛當窠深如蛄穴網絲其中土蓋與地平大如榆筴常仰捍其蓋伺蠅蟻過輒翻蓋捕之纔入復閉與地一色竝無絲隙可尋也其形似蜘蛛爾雅謂之王蛛腸鬼谷子謂之蛛毋秦中兒童戲曰

顛當顛當牢守門蠲蟬冠汝無處奔

蜻蛉

里語

蜻蛉蟲名也一日桑根詩義疏曰蟋蟀似蝗而小正黑目有光澤如漆有角趨幽州人謂之趣織督促之言也

蜻蛉鳴衣裘成趣織鳴懶婦驚

螳螂

螳螂贊

郭璞

螳螂飛蟲揮斧奮臂當轍不迴可踐不避勇士致斃厲之以義

尺蠖

尺蠖贊

前人

貴有可賤賤有可珍嗟茲尺蠖體此屈申論配龍蛇見歎聖人

蚌

蚌贊

前人

萬物變蛻其理無方雀雉之化含珠懷當與月虧盈協氣晦望

詠螺蚌

謝惠連

輕羽不高翔自用弦網羅纖鱗惑芳餌故為釣所加螺蚌非有心沈迹在泥沙文無雕飾用味非鼎俎和

雜蟲

蟪蛄歌

詩含神霧曰孔子歌曰一一政尚靜而惡譁也

違山十里蟪蛄之聲猶尚在耳

江搖柱

萬震海物異名記

江搖柱厥甲美如搖玉

音裕三字一句三句一韻尤奇

肉柱膚寸名江

搖柱

海蛙

風俗記

一跳八尺兩跳丈六從春至夏裸袒相逐

瓦瓏贊

萬震海物異名記

瓦瓏鑿殼建瓴狀如渾沌錢文外眉而內渠

眉為高為渠為疏

為渠此魁六海鈴也

古詩類苑卷之一百二十八

古詩類苑卷之一百二十八

五十四

三

五十四

古詩類苑卷之十一

古詩類苑卷之一百二十九

雲間張之象玄超纂輯

俞顯卿子如補訂

張所敬長輿

徐光啟子先校正

俞顯謨子昭

王 頴玄弢叅閱

陳 甲伯子

古諺部

古諺

太公兵法引黃帝語

日中不彗是謂失時操刀不割失利之期執斧不伐賊人將來叶陵之反涓涓不塞將為江河熒熒不救炎炎柰何

兩葉不去將用斧柯為虺弗摧行將為蛇叶唐何反。賈子書引止

日中必彗操刀必割二句其餘見太公兵法既漢藝文志黃帝巾机銘也

六韜

天下攘攘皆為利往天下熙熙皆為利來

管子

不行其野不違其馬諷桓公。言馬以行野雖不行野亦不可不調習也

墻有耳伏寇在側

孔子家語

相馬以輿相士以居

御馬不釋策操弓不反檠

曾子

人莫知其子之惡莫知其苗之碩

孟子

吾王不遊吾何以休吾王不豫吾何以助一遊一豫為

諸侯度夏諺。劉熙曰春行曰遊秋行曰豫左傳季氏有嘉樹韓宣子譽之服虔曰譽與豫同遊於樹

下也唐宋之間詩春豫臨池近

雖有智慧不如乘勢雖有鎡基不如待時齊人有言。賈逵曰鎡基

耨也呂氏春秋曰
耨六寸所以間稼

左傳 二十章

山有木工則度之賓有禮主則擇之度音宅○魯羽父引周諺隱十一年

匹夫無罪懷璧其罪虞叔引周諺桓十年

心苟無瑕何恤乎無家晉士為引諺閔元年

輔車相依唇亡齒寒虞官之奇引諺僖五年○輔頰也車牙車又曰頰車牙上骨之名也

輔為外表車是內骨

心則不競何憚於病鄭大夫孔叔言于鄭伯僖七年○言心既不能自強何畏難於卑弱

之病既齊景公所云既不能令又不能受命也左傳既不能強又不能弱

鹿馬而縱尋斧焉文二年宋昭公欲去羣公子樂豫曰公族公室之枝葉也葛藟猶能庇其

本根况君子乎諺所謂一一者也註八尺曰尋所以量木也借木之鹿而縱放尋以量之斧以伐之

畏首畏尾身其餘幾鄭子家引古言文十七年

鹿死不擇音同上○音當作蔭蔭也

雖鞭之長不及馬腹言非所當擊晉伯宗引古言宣十五年

高下在心川澤含汚山藪藏疾瑾瑜匿瑕國君含垢諺

上○漢書亦引此無高下在心一句

民之多幸國之不幸也羊舌職引諺宣十六年

殺老牛莫之敢尸晉韓厥引古言晉欒書中行偃執厲公召韓厥厥辭曰古之人有言曰一

一而况吾乎成十七年

非宅是卜維憐是卜晏子引諺昭三年

挈餅之知守不假器晉人來治把田季孫將以成與之謝息為孟孫守不可曰人有言曰

雖有禮也昭七年

其父析薪其子弗克負荷子產引古言昭七年

室於怒市於色楚令尹子瑕諫歸蹶由昭十二年○戰國策怒於室者色於市

臣一主二晉人執季孫意如子服惠伯私於中行穆子曰魯兄弟也土地猶大所命能具若為夷棄

之使事齊楚其何瘳於晉諺曰

無過亂門子產引諺昭十九年○昭二十三年宋人對楚遠越曰人有言曰惟亂門之無過國語太

于晉諫雍穀洛人有言曰無過亂人之門

發不恤其緯而憂宗周之隕為將及焉子太叔對范獻子人亦有言

昭二十四年

唯食忘憂魏子引諺昭二十九年○國語作唯食可以忘憂

民保於信戲陽速引諺定十五年

飛矢在上走驛在下兵交使在其間今語兩國兵交不罪來使

國語十

兄弟讒閱侮人百里周語富辰諫以翟伐鄭有言曰周文公之詩曰兄弟閱於牆

外禦其侮

獸惡其網民惡其上周語晉克楚使御至告慶于周召桓公與之語至自稱功伐召桓公

以告單襄公公曰君子不自稱也惡其蓋人也其抑下滋甚故聖人貴讓且諺曰

兵在其頸同上單襄公曰人有言曰

佐雖者嘗焉佐鬪者傷焉周語太子晉諫雍穀洛人有言曰今俗語助祭得食

助關
得傷

禍不好不能為禍同上財色之禍
禍生於好之

衆心成城衆口鑠金周語冷州鳩
對景王引諺

從善如登從惡如崩周語衛處
僖引諺

黍稷無成不能為榮黍不為黍不能蕃廡稷不為稷不

能蕃殖所生不疑惟德之基晉語晉公子過鄭鄭文公
不禮叔詹諫不聽曰若不

禮焉則請殺之諺曰一一註為黍為稷之為成也所生
謂種黍得黍種稷得稷唯在所樹言禍福亦猶是也

狐埋之而狐搯之是以無成功吳語吳伐越使諸稽
郵行成於吳曰一一今

天王既封殖越國又刈亡之
雖四方諸侯則何實以事吳

觥飯不及壺飧越語越將代吳數問於范蠡范蠡曰未
可也王姑待之王曰諺有之一一今歲

晚矣子將柰何注盛饌未
具不如壺飧之救飢疾也

搖木不生危松柏不處卑

說苑鄒穆公引周諺

囊漏貯中

列子三章

生相憐死相捐楊朱篇
引古語

人不婚宦情欲失半人不衣食君臣道息古語

田父可坐殺周諺曰一一晨出夜入自以性之恒啜菽
茹藿自以味之極一朝處以軟毛絺薦以

梁肉蘭味心痛體
煩內熱生病矣

莊子三章

聞道百以為莫已若野語

美成在久叶苟起反惡成不及改叶苟起反古語

衆人重利廉士重名賢士尚志聖人貴精

荀子二章

衣與繆與不女聊子道篇引古言與音歟聊音雷叶力

順則不聊汝也

欲富乎忍耻矣傾絕矣故舊矣與義分背矣大畧篇引民語傾絕

謂傾身絕命而求也分背如人分背而行也

魯定公記載古語

寧得一把五加不用黃金滿車寧得一把地榆不用明

月寶珠

臯魚引古語

枯魚銜索幾何不蠹索音素古通

慎子名劉先申韓申韓稱之

不聰不明不能為王不聵不聵不能為公

韓非子

奔車之上無仲尼覆舟之下無伯夷奔音饋

呂覽二章

居者無載讀作行者無埋叶陵之反〇齊鄙人諺言生不隱謀死不隱忠也

曹屋知名家喬木知舊都

鄒子引古語名衍齊人

截趾適履孰云其愚何與斯人追欲喪軀

鷓冠子楚人居深山以鷓鳥羽為冠

中流失船一壺千金船音循釋名船循也循水而行也文子曰上下楫而下致船上言若

絲下言若綸

魯仲連引古諺漢藝文志有魯仲連子

百足之蟲三斷不蹶墨子云馮公之蟲三斷不僵馮公蟲名僵讀鞠躬之躬

魯連子

心誠憐白髮玄情不怡艷色媼

鬼谷子引古語

女愛不敝席男懼不盡輪戰國策寵女不敝席寵臣不敝軒

抱朴子二章

古人欲達勤誦經今世圖官勉治生

良將如收電可見不可追

牟子

高不絕山阜跛羊升其顛深不絕涓流孺子浴其淵

孔叢子

堯舜千鍾孔子百觚子路嗑嗑尚飲十榼平原君與子高飲強子高

酒曰昔有遺諺一古之聖賢無不能飲也吾子何辭焉子高曰聖賢以道德兼人未聞以飲食也

戰國策十三章

戰勝而國危者物不斷也功大而權輕者地不入也秦策

秦功趙蘇秦謂秦王曰語曰

削株掘根無與禍隣禍乃不存張儀說秦臣

騏驥之衰也駑馬先之孟賁之倦也女子勝之齊策蘇秦說齊

潘王語曰

見君之乘下之見杖起之楚策或謂黃齊曰諺曰今王善富擊而公不善也是

不臣也下音戶起音去上聲

見兔而顧犬未為晚也亡羊而補牢未為遲也楚策莊辛對楚

襄王曰臣聞鄙語曰

癘疾憐王荀卿謝春申君癘憐王此不恭之語也雖然不可不審察也此為劫弑死亡之主言也

云癘雖惡猶愈于劫弑故反憐王

以書為御者不盡馬之情以古制今者不達事之變趙策

趙武靈王始出胡服之令羣臣皆諫止王王曰諺云亦見史記

借車者馳之借衣者被之孟嘗君擇舍人以為武城吏而遺之曰鄙語豈不曰

註云言弗愛也被叶音披

寧為鷄口無為牛後韓策蘇秦為趙合從說韓曰臣聞鄙語曰

國策音義曰尸鷄中之主從牛子也然則口當為尸後當為從俗寫誤也

禽困覆車韓策向壽為秦守宜陽將以伐韓韓公仲使蘇代謂向壽曰

觸傾覆人車亦見史記

貴其所以貴者貴韓策蘇代說向壽請毋伐韓諺曰註所以貴人所同貴亦見史記

仁不輕絕智不輕怨燕策燕王喜以書謝樂間語曰

厚者不毀人以自益也仁者不危人以要名也同上

史記二十章

死者復生生者不愧趙世家肥義謂李兌曰諺曰一言不忍負武靈王之屬已也

美女入室惡女之仇外戚世家漢武帝幸夫人尹婕妤見邢夫人低頭俛而泣自痛其不

如也諺曰

蓬生麻中不扶自直白沙在泥與之皆黑三王世家引傳曰魯子

書作諺曰

當斷不斷反受其亂黃歇傳贊引語

千羊之皮不如一狐之腋叶戈反千人之諾諾不如一士

之諤諤衛鞅傳趙良謂商君曰

積羽沉舟羣輕折軸衆口鑠金積毀銷骨張儀傳張儀說魏王臣聞

戰國策註云周語也漢中山王傳臣聞衆口銷金積毀銷骨羣輕折軸羽翮飛肉

力則任鄙智則樗里樗里子傳樗里秦惠王異母弟樗里子滑稽多智秦人號曰智囊諺

云

利令智昏虞卿傳贊引鄙諺

尺有所短寸有所長王翦傳贊引鄙語

鑒于水者見面之容鑒于人者知吉與凶蔡澤傳○本武王鏡銘

長袖善舞多錢善賈蔡澤傳太史公曰韓子稱韓子韓非子也

白頭如新傾蓋如故鄒陽傳引古語

千金之子不垂堂百金之子不騎衡

叶寒剛反○袁盎傳盎對文帝臣聞

也如淳曰衡樓殿邊欄楯

變古亂常不死則亡

晁錯傳贊引語曰

雖有親父安知不為虎雖有親兄

叶虛安韓安

國傳安國諫梁孝王引語

強弩之極矢不能穿魯縞衝風之末力不能漂鴻毛

同上

安國與王恢論伐匈奴漢書曰衝風之衰不能起毛羽強弩之末不能入魯縞

桃李不言下自成蹊

李廣傳贊引語

家索千金坐不垂堂

司馬相如諫獵疏引鄙諺

人貌榮名豈有既乎

郭解傳贊引諺○徐廣曰人以顏狀為貌者則貌有衰落矣唯用榮

名為飭表則稱譽無極也既盡也

千金之子不死于市

貨殖傳引諺○尉繚子千金不死百金不刑

百里不販樵千里不販糴

貨殖傳引諺

以貧求富農不如工工不如商刺繡文不如倚市門

見貨

殖傳非諺也或末句諺耳一無以貧求富句

漢書

章十五

有病不治

平聲常得中醫

藝文志引諺

狡兔死走狗烹

叶鋪

飛鳥盡良弓藏敵國破謀臣亡

韓信

傳六韜作高鳥禽彈走犬烹敵國破謀臣亡

史記曰野

兒婦人口不可用

王陵傳呂太后謂陳平曰鄙語曰顧我與君何如耳無畏呂須之譖

不習為吏視已成事

賈誼引鄙諺 大戴禮 不習為吏如視已成事

前車覆後車誠

同上

欲投鼠而忌器

司上里諺

社鼯不灌屋鼠不薰

中山王引○韓詩外傳作稷蜂不薰

孰為為之孰令聽之

司馬遷引諺

良工不琢

武帝賢良策問引古語○漢書或曰一一不云古語也

揉曲木者不累日銷金石者不累月

公孫弘對冊書一夫人之好惡豈

比禽獸木石之類哉期年而變臣弘尚竊遲之

水至清則無魚人至察則無徒

東方朔○列子察見淵魚不祥知料隱隱有殃

後漢書水清無大魚此見客難不云諺也

以管窺天以蠡測海以筵撞鐘

東方朔引古語史記扁鵲曰以管窺天以隙視

文

腐木不可以為柱卑人不可以為主

劉輔引里語成帝欲主趙婕妤為皇

后輔上書諫

千人所指無病而死

王嘉引里諺成帝益封董賢二千戶賜三侯國嘉上封事諫上

括糠及米

漢書引語

後漢書

人所歌舞天必從之

王莽遣更始將軍廉丹討山東辟馮衍為掾衍說丹曰將軍之先為

漢信臣新室之興英俊不附今漢內潰人懷漢德此本古語人所歌舞天必從之

貴易交富易妻

宋弘宴見上令主坐屏風後上謂弘曰諺言一一人情乎弘曰臣聞貧賤之交

不可忘權據之妻不下堂
上顧謂主曰事不諧矣

幾事不密禍倚人壁鮑永傳苟諫戒鮑永曰幾事不密禍倚人門不謂諺也

作舍道傍三年不成曹褒傳顯宗引諺

曉曉者易缺皦皦者易污上聲陽春之曲和者必寡叶果五反

盛名之下其實難副音府○黃瓊傳公車徵瓊至綸氏稱疾不進李固以書逆遺之引諺

關東出相關西出將虞詡傳永初四年羌胡反亂殘破并涼大將軍欲棄涼州詡說太尉

李修曰諺云一一

穀弩射市薄命先死李業傳劉咸謂李業曰賢者不避害譬猶穀弩射市薄命者先死不

也云諺

龍不隱鱗鳳不藏羽網羅高懸去將安所陳留父老傳恒帝世黨錮

事起外黃令陳畱張升去官歸鄉里道逢友人班草而言父老過之植其杖曰一一不謂諺也

時無赭澆黃土東觀漢記明德馬太后時上欲封諸舅外間白太后曰吾自念親屬皆無柱石

之功俗語曰一一

賈誼書容經篇

君子重襲小人無由入正人十倍叶平聲邪僻無由來

劉向別錄引古語

唇亡而齒寒叶胡千反河水崩其壞在山叶翰旃反

列女傳引古語秋胡謂其妻云云不謂諺也傳止首二句

力田不如遇豐年力桑不如見國卿刺繡門當作文不如

倚市門

風俗通四章

金不可作世不可度

一日金可作世可度

狐欲渡河無奈尾何

婦死腹悲惟身知之

縣官漫漫怨死者半

應劭漢官儀引里語

仕宦不止車生耳

崔豹古今註口文武車耳古重較也文官青耳武官赤耳毛萇詩疏曰重

較卿士之車

王符引諺

一歲數赦好兒暗啞

太平御覽崔寔政論曰

桓譚引諺

二人同術誰昭誰冥二虎同穴誰死誰生

本汲冢周書然非諺也

人之相去如九牛尾

桓子新論引諺

人聞長安樂則出門而西向笑知肉味美則對屠門而

大嚼

新論曰關東鄙語曰一又諺曰侏儒見一節而長短可知孔子言舉一隅足以三隅反觀吾小時

二賊亦足以揆其能否

牟子引古諺

東漢太尉牟融

少所見多所怪

叶古遺反

見橐駝言馬腫背

劉子引古諺劉書字

深不絕涓泉稚子浴其淵高不絕丘陵跛羊遊其巔

師春引古語

斧小不勝柯

韓嬰詩傳引古語

昨日何生今日何成必念歸厚必念治生日慎一日完

如金城

詩疏五章

洛鯉伊魴貴於牛羊洛

山上斫檀椽楹先殫齊諺○椽音遂楹音令檀與椽楹三木相似

斫檀不諦音提得繫迷繫迷尚可音駁得駁馬音如塗林之抹

檀與繫迷駁馬三木又相似

疲馬不渡澠水齊語○澠水之流迅疾

問婦人欲買楮不謂竈下有黃土欲買釵不謂山中自

有楛上黨人調

詩正義引語

四足之美有鹿兩足之美有鷓

易緯引古語二章

一夫兩心拔刺不深

躓馬破車惡婦破家

春秋緯引古詩

吐珠於澤誰能不合

月麗于畢雨滂沱月麗于箕風揚沙

四民月令引農語

三月昏參星夕杏花盛桑葉白

河射角堪夜作犁星没水生骨

月令注引里語

蜻蛉鳴衣裳成蟋蟀鳴懶婦驚

汜勝之書引古語

有好田者師之徙為御

土長冒揠陳根可拔耕者急發

齊民要術引諺

智如禹湯不如常耕

耕而不勞不如作暴

子欲富黃金覆

夏至後不沒狗但雨多溼橐駝五月及澤父子不相借

羸牛劣馬寒食下

闕駟十三州志

峴山張蓋雨滂沛

方回山經引相冢書

山川而能語葬師食無所肺腑而能語醫師色如土

文選註引古諺

越阡度陌互為主客

蔣子萬機論

猛虎不處卑勢勁鷹不立垂枝

魏武選令引諺

失晨之鷄思補更鳴

魏志王昶引諺

二章○王昶字文舒魏明帝時人戒兄子書引諺

如不知足則失所欲

救寒無若重裘止謗莫若自脩

梁史

屋漏在上知之在下

史炤通鑑疏引諺

三章

足寒傷心民怨傷國

妍皮不裹癡骨

福至心靈禍來神昧

古諺古語

載籍通引

終身讓車不柱一舍

莫三人而迷

又曰莫衆而迷

言詩類苑卷百九

古諺

二

二百九十四

古詩類苑卷百九
古詩部
惑者知反迷道不遠

不斑白語道失

白刃交前不顧流矢

堂前不糞除郊草不瞻耘

一淵不兩蛟

又曰一栖不兩雄
又曰兩雄不並栖

井水無大魚新林無長木

林中不賣薪湖上不鬻魚

觸露不搯葵日中不煎韭

乳犬攫虎伏鷄搏狸

白璧不可為容容多後福

將飛者翼伏將奮者足踟將噬者爪縮將文者且朴

中規不密用墜禍辟

鐸以聲自穴膏以明自鑠虎豹之文來射猿狖之捷來

擲


上求材臣殘木上求魚臣乾谷

遁關不可復亡犴不可再

無鄉之社易為黍肉無國之稷易為求福

古詩類苑卷之一百二十九

終



古詩類苑卷之一百三十

雲間張之象玄超纂輯

俞顯卿子如補訂

張所敬長輿

俞顯謨子昭 校正

王 頰玄弢 叅閱

陳 甲伯子

補亡部

補亡詩六首 并序

束 哲

序曰哲與同業疇人肄脩鄉飲之禮然所詠之詩或

有義無辭音樂取節闕而不備于是遙想既往存思
在昔補著其文以綴舊制

南咳

南咳孝子相戒以養也

循彼南咳言采其蘭眷戀庭闈心不遑安彼居之子罔
或游盤馨爾夕膳潔爾晨餐循彼南咳厥草油油彼居
之子色思其柔眷戀庭闈心不遑畱馨爾夕膳潔爾晨
羞有懶有懶在河之涘凌彼赴泊噬魴捕鯉嗷嗷林鳥
受哺于子養隆敬薄惟禽之似勗增爾虔以介丕祉

白華

白華孝子之潔白也

白華朱萼被於幽薄粲粲門子如磨如錯終晨三省匪
惰其恪白華絳趺在陵之陬子滿切 蒨蒨士子涅而不渝
竭誠盡敬疊疊忘劬白華玄足在丘之曲堂堂處子無
營無欲鮮侔晨葩莫之點玷辱同

華黍

華黍時和歲豐宜黍稷也

黓徒感切 重雲習習善作輯輯 和風黍華陵巔麥秀丘中靡
田不播九穀斯豐奕奕玄霄濛濛甘雷黍發稠華禾善作
亦挺其秀靡田不殖九穀斯茂無高不播無下不植芒

古詩經卷百二十一
芒其稼參參其穡穡我王委克我民食玉燭陽明顯猷
翼翼

由庚

由庚萬物由其道也

蕩蕩夷庚物則由之蠢蠢庶類王亦柔之道之既由化

之既柔木以秋零草以春抽獸在于善作草魚躍順流

四時遞謝八風代扇織阿案晷星變其躔五緯不愆善作

逆六氣無易悄悄我王紹文之跡

崇丘

崇丘萬物得極其高大也

瞻彼崇丘其林藹藹音愛植物斯高動類斯大周風既洽
王猷允泰漫漫方輿迴迴洪覆何類不繁何生不茂物
極其性人五臣永其壽恢恢大圓茫茫九壤資生仰化
于何不養人無道天物極則長

由儀

由儀萬物之生各得其儀也

肅肅君子由儀率性明明后辟仁以為政魚游清沼鳥

萃平五臣林濯鱗鼓翼振振其音賓寫爾誠主竭其心

時之和矣何思何脩文化內輯武功外悠

周詩 并序

夏侯湛

敘曰周詩者南咳白華華黍由庚崇丘由儀六篇有

其義而亡其辭湛續其亡故云周詩也世說曰夏侯

示潘安仁安仁曰此非徒温雅乃別見孝弟之性潘因此遂作家風詩

既殷斯虔仰說洪恩夕定晨省奉朝侍昏宵中告遐雞

鳴在門孳孳恭誨夙夜是敦

存逸部

逸詩上

支玉海逸詩

周武王

國語衛處侯曰武王克殷作此詩以為飫歌名之曰支以遺後人使永監焉夫禮之立成

者為飫昭明大節而已少曲與焉是以為之

日惕欲其教民戒也韋昭註曰立成謂立行禮不坐也又曰立曰飫

坐曰晏

天之所支不可壞叶胡隈反也其所壞亦不可支也

辟雍二見凡三章

困學紀聞曰大傳引樂曰舟張辟雍鷓鷏相

從樂樂經也

舟張辟雍鷓鷏相從八風回回鳳凰喈喈叶堅奚反尚書大傳

有昭辟雍有賢泮宮田里周行濟濟鏘鏘相從執質有

族以文

救爾瞽率爾衆工奏爾悲誦音容肅肅雝雝無怠無凶周官

狸首二見

禮記射義諸侯以狸首為節詩曰

曾孫侯氏四正具舉大夫君子凡以庶士小大莫處御

於君所以燕以射則燕則譽見禮記本始封之君故以曾孫言

也四正謂舉正爵以獻賓獻君獻卿獻大夫凡四也四獻皆畢然後射處謂處其職而不來也以燕以射先行燕禮而後射也則燕則譽燕安也言君臣上下以射而習禮樂則安樂而有名譽也

質參既設執旌既載計反千侯既抗中獲既置弓既平

張四侯且良決拾有常既順乃讓叶如陽反乃揖乃讓乃躋

其堂乃節其行叶寒剛反既志乃張射夫命射射者之聲御

車之旌既獲卒莫見大戴禮投壺篇困學紀聞曰此命射之辭也

黃竹詩三章玉海逸詩周穆王

穆天子傳曰丙辰天子遊黃臺之丘獵於莘

澤有陰雨天子乃休日中大寒北風雨雪有

凍人天子作詩三章以哀民

我徂黃竹缺一字員閔寒帝收九行行道也言收羅九域之道里也嗟我

公侯百辟冢卿叶皇我萬民皇正也旦夕勿忘恒念之也

我徂黃竹缺一字員閔寒帝收九行嗟我公侯百辟冢卿

皇我萬民叶謨郎反旦夕勿窮叶渠王反令無困也

脊皎者駱

駱鳥各音洛

翩翩其飛

叶匪眠反

嗟我公侯

缺一字

勿則

遷居樂其寡不如遷土

居無求安

禮樂其民

叶彌延反○言當以禮樂化其

人也本傳註曰自侯以下似當云百辟冢卿皇我萬民○勿則遷

祈招

音韶詩逸詩

祭公謀父

左氏傳昔穆王欲肆其心周行天下將皆必

有車轍馬跡焉祭公謀父作祈招之詩以止

王心是以獲沒於祗宮其詩曰

謀父周卿士祈父周司馬

招其名也祭公方諫遊行故指司馬而言也

祈招之惓惓式昭德音思我王度式如玉式如金形民

之力而無醉飽之心

惓惓安和貌金玉取其堅重形謂量其力而賦役之如制器者各隨

其形也家語作刑謂虐用民力而不知厭也

徵招角招

見孟子

招與韶同齊有韶音之遺故孔子在齊聞韶

畜君何尤

無射

師曠

汲冢周書晉平公使叔譽于周見太子而與

之言五稱而五窮歸告公曰太子晉行年十

五而臣弗能與言君請歸聲就復與田師曠

曰不可請使瞑臣師曠見太子三稱三告善

王子曰請入坐遂敷席注瑟師曠歌無射乃

注瑟於王子王子歌嶠

國誠寧矣遠人來觀轉音光修義經矣好樂無荒

嶠 周太子晉

何自南極至於北極絕境越國弗愁道遠

轡之柔矣 前人

汲冢周書曰師曠見周太子晉歸太子賜乘

車四馬曰太師亦善御之對曰御吾未之學

也王子曰汝不為夫時詩云一一以是御之

馬之剛矣轡之柔矣馬亦不剛轡亦不柔志氣麋麋叶必

幽取與不疑叶疑尤反左傳國子賦轡之柔矣註云

驪駒

漢書儒林傳王式曰客歌驪駒主人歌毋客庸歸驪駒者客欲去歌之也

驪駒在門僕夫具存驪駒在路僕夫整駕

白水二見

甯戚之每見管仲也亟稱曰浩浩乎儵儵乎

管子不解歸而不台有少妾問焉仲曰非而

與知也妾曰毋少少母賤賤仲以語之妾曰

甯子殆欲室也古有白水之詩云

浩浩白水儵儵之魚君來召我我將安居國家未立從

我馬如列女傳

浩浩者水育育者魚未有室家而召我安居水浩浩然盛大魚育

育然相與而遊其中喻時人皆得配偶以居其室甯戚有伉儷之思故陳此詩以見意

鼓缶淮南子

君子有酒小人鼓缶雖不見好亦不見醜

以上逸詩篇名斷章存者凡十一篇

逸詩下

左傳入章

翹翹車乘招我以弓豈不欲往畏我友朋陳敬仲引逸詩

我無所監夏后及商用亂之故民卒流亡

俟河之清人壽幾何兆云詢多職競作羅子駟引周詩兆卜詢謀職

主也言以兆詢於多人則各執一見相競而羅列

雖有絲麻無棄菅蒯雖有姬姜無棄蕉萃凡百君子莫

不代匱蕉萃即憔悴古蕉字音樵

周道挺挺我心扃扃講事不令集人來定挺挺正直也扃扃明察也

講謀也言謀事不善當集賢人以定之

禮儀不愆何恤乎人言子產引逸詩

淑慎爾止無載爾僞

我之懷矣自詒伊戚

論語二章

巧笑倩兮美目盼兮素以爲絢兮

棠棣之華偏其反而豈不爾思室是遠而

晉書亦載作唐棣唐棣郁

李也毛詩有兩棣唐棣之華鄂不韡韡彼爾維何維常之華鵲巢唐棣之華與此棠棣不同黃公紹曰唐棣赤棣也棠棣白棣也反遠二字亦兩讀一讀反遠皆如字陸佃曰其花反向後合凡木之華皆先合後開此華先開後合一讀反與翻同言花之搖動也遠叶於元切

禮記

二章

昔吾有先正其言明且清國家以寧都邑以成庶民以

生誰能秉國成不自為政卒勞百姓

見緇衣篇註云昔吾有先正五句逸

詩也下三句見小雅節南山之篇李善文選註引首四句云子思子詩

相彼盍旦尚猶患之

見坊記篇註云盍旦夜鳴求旦之鳥患猶惡也言盍旦欲反夜作晝

求所不當求者人尚惡之况人臣而求犯其上乎鹽鐵論亦載此盍合作鴉旦月令作鴉鳴或作渴旦

大戴禮

二章

東有開明於時雞三號以興庶虞庶虞動蜚征作畜民

執功百草咸淳

見四代篇困學紀聞註曰開明避景帝諱也景帝諱啓庶虞蓋山虞澤虞之屬

馬融廣成頌用飛征

魚在在藻厥志在餌

用兵篇註曰由心在於利用兵以取危蓋逸詩也

孔子家語

皇皇上天其命不忒天之以善必報其德

說苑皇皇上帝其命不忒

天之與人必報其德

管子

鴻鵠將將唯民歌之濟濟多士殷民化之

歌音基淮南子良馬易道

使人欲馳飲酒而樂使人欲歌化山宜切周易神而化之使民宜之皆古音也

晏子春秋章二

樂矣君子直言是務

文繡被臺榭菽粟食鳧鴈

墨子章二

必擇所堪必謹所堪

魚水不務陸將何及

荀子章六

如霜雪之將將如日月之光明為之則存不為之則亡

國有大命不可以告人妨其躬身

鳳凰秋秋其翼若干其聲若簫叶疎反有鳳有凰樂帝之

心秋秋猶蹠蹠謂舞也于楯也帝蓋謂堯也堯時鳳凰巢於阿

長夜漫兮永思騫兮太古之不慢兮禮義之不愆兮何

恤人之言兮

涓涓源水不壅不塞轂既破碎乃大其輻叶筆反事以敗

矣乃重太息

墨以為朗叶盧當反狐狸而蒼墨謂閉塞也狐狸而蒼言狐狸之色居然有異君以蔽為

明則臣下誰君言其色蒼然無別猶指鹿為馬者也

列子章三

良弓之子必先為箕叶渠反良冶之子必先為裘箕矢房也注曰

言類考卷一百
學者先攻其所易
然後能成其所難

日日獻玉衣旦旦進玉食

生無一日歡死有萬世名

莊子

青青之麥生陵之陂生不布施死何舍珠為莊子曰儒以詩禮發

家彖大儒臚傳曰東方作矣事之何若小儒曰未解裙襦口中有珠詩固有之曰一一接其鬢摩其顛儒以金推控其顛徐別其頰無傷口中珠司馬註云此逸詩刺死人也

呂氏春秋

將欲毀之必重累之將欲踏之必高舉之

君君子則正以行其德君賤人則寬以盡其力

戰國策

行百里者半於九十

服亂以勇治亂以智事之計也立傳以行教少以學義

之經也風雅逸篇曰此全與古詩體裁不同姑依本文有詩曰字錄之戰國策注作諺語

大武遠宅不涉威武之大者遠安定之不必涉其地也

木實繁者披其枝披其枝者傷其心大其都者危其國

尊其臣者卑其主註云非必逸詩古有此語耳披褫也

樹德莫如滋除害莫如盡註云秦誓樹德務滋除害務本一本作書云此亦見左傳

然本文非詩也

駿馬養外廐美人克下陳

淮南子

三章

孔子辭廩丘終不盜帶鈎許由讓天下終不利封侯

南遊罔寘野北息沈墨鄉

日回而月周時不與人遊

史記

得人者興失人者崩

漢書

二章

四牡翼翼以征不服

九變復貫知言之選

變一作辨

後漢書

皎皎練絲在所染之

楊終傳

晉書

羽觴隨波

晉書束皙傳曰武帝嘗問三日曲水之義哲曰昔周公城洛邑因流水以汎酒故逸詩曰

一一一作羽觴隨波浮

說苑

絲絲之葛在於曠野

叶上與反

良工得之以為絺紵良工不

得枯死於野

徐幹中論

相彼玄鳥止於陵阪仁道在近求之無遠

集韻

伎人如蟬

古詩逸句

無名氏

庭中有奇樹上有悲鳴蟬

泛泛江漢萍飄蕩永無根

青青陵中草傾葉晞朝日陽春被惠澤枝葉可攬結

餓狼食不多飢豹食有餘

蝴蝶遊西園暮宿桑樹間

天霜木葉下鴻鴈當南飛

人遠精魂近寤寐夢容光

羈繫繫世網進退維準繩江韋

去婦不顧門菱韭不入園

諸葛孔明

探懷授所歡願醉不顧身

王仲宣

皎月垂素光玄雲為髣髴

劉公幹

玄景如映壁繁星如散錦

庾闡

金荆持作枕紫荆持作牀

古歌

爭先非吾事靜照在忘求

王右軍

來若迅風散遊如歸雲征

李克

遙看野樹短遙望樵人細

虞騫

黃鳥鳴相追咬咬弄好音

古詩○按古長歌行云黃鳥飛相追咬咬弄音聲竚立望

西河泣下沾羅纓疑卽此也

西河泣下沾羅纓疑卽此也

相思心既勞相望脰亦捐陸彥聲

迅飈翼華蓋飄颻若鴻飛石崇

海水暴竭黃鳥宿淵東方朔

子書傳記語似詩者詩話補遺

美色不同面悲音不共聲王克論衡

跌跗被商鳥重譯吟詩書

急行無善步促柱少和聲

片玉可以琦奚必待盈尺抱朴子

兩江珥其市九橋帶其流揚雄

飛鳥號其羣鹿鳴求其友楚辭注

膏以肥自熇翠以羽殃身蘇秦

薰以香自燒膏以明自煎陳畱老父

大江如索帶舟舩如鳥鴈郡國志

醴泉有故源嘉禾有舊根

仲尼長東魯大禹出西羌晉書戴鸞傳

明月不妄映蘭葩豈虛鮮郭璞

新霽青陽升天光入隙中佛經

日從濛汜出照樹初無影上

隴坂縈九曲不知高幾里三秦記

高樹翳朝雲文禽蔽綠水應璩

百詩類苑卷百三十一 存送音 三

善御不忘馬善射不忘弓韓詩外傳

鵲巢知風起獺穴知水生

荆土不貴玉鮫人不貴珠

餓狼守庖厨飢虎牧牢豚仲長統昌言

代馬依北風越鳥翔故巢吳越春秋

蠹蛄仆柱梁蛟芒走牛羊新序

青崖若點黛素湍如委練羅含湘中記

白沙如霜雪赤岸若朝霞上

洞庭對岳陽脩眉鑒明鏡上

蟪蛄鳴于朝寒螿鳴于夕風土記秋日

蠅成市於朝蚊成市於夕夏

煦氣成虹霓揮袖起風塵劉邵趙都賦

不寶咫尺玉而愛寸陰旬司馬法

鼓聲不過闔柝聲不過閭上

高山尋雲霓深谷肆無景羊祐疏

附錄逸詩篇名

葛天氏歌八闋呂氏春秋葛天氏之樂三人持牛尾投足以歌八闋

載民一玄鳥二遂草木三奮五穀四敬天常

五達帝功六依地德七總萬物之極八

伏羲駕辯楚辭伏羲駕辯楚勞商只注伏羲琴曲

網罟

隋書樂志伏羲有網罟之歌夏侯玄辯樂論伏羲氏因時與利教民田魚天下歸之

神農氏豐年詠

辯樂論神農教民食穀有豐年之詠

黃帝龍衮頌

樂書

黃帝桐鼓曲

歸藏啟筮曰蚩尤出自羊水疏首登九淖以伐穹桑黃帝征之涿鹿之野作桐鼓之曲雲笈云黃帝出師取鹿絕轡之野以桐鼓為警衛其曲有十並各有辭其辭亡考

震雷驚

一 猛虎駭

二 鷲鳥擊

三 龍媒蹠

四

靈夔吼

五 鵙鷲爭

六 壯士奮怒

七 熊羆哮呔

八

石盪崖

九 波盪壑

十

伶倫渡漳歌

水經注黃帝伶倫使于夏作

咸墨九招歌

劉勰云帝嚳之世咸墨為頌以歌九招

虞舜大唐歌

尚書大傳曰維五祀奏鍾石論人聲譖然乃作大唐之歌

招雍 肆夏

孝成

尚書大傳招為賓客雍為主始奏肆夏納以

成

哲陽

南陽

初慮

朱干

苓落

歸來

縵縵

尚書大傳維元祀巡守四岳八伯壇四與沈四海封十有二山兆十有二州樂

正定樂名元祀代泰山貢兩伯之樂焉東岳陽伯之樂舞侏離其歌聲比余謠名曰哲陽儀伯樂舞鬻哉其歌聲比大謠名曰南陽中祀大交霍山貢兩伯之樂焉夏伯之樂舞謾或其歌聲比中謠名曰初慮義伯之樂舞將陽其歌聲比大謠名曰朱干

秋祀柳穀華山貢兩伯之樂焉秋伯之樂
舞蔡叔其歌聲比小謠名曰苓落和伯之
樂舞玄鶴其歌聲比中謠名曰歸來幽都
弘山貢兩伯之樂焉冬伯之樂舞齊落歌
曰縵縵○王應麟曰
其歌名復闕其一

九德之歌

夏禹○
周禮

候人兮歌

呂氏春秋禹行功見塗山之女禹未
之遇而巡省南土塗山氏之女乃令
其妾候禹于塗山之陽女乃作歌曰候人
兮猗實始為南音○二南是其遺聲及其
變也流為溺音南之
為言溺也溺與溺同

九辯 九歌

啟○山海經啟上九嬪
于天得九辯九歌以下

燕往飛歌

呂氏春秋曰昔有娥氏二女居九成
之臺飲食必以鼓天帝使燕往視之
鳴若謚隘二女愛而搏之覆以玉篋既而
發視之燕遺二卵而北飛二女作歌一終

曰燕燕往飛
實始為此音

破斧歌

孔甲○呂氏春秋夏后氏孔甲田于東
陽蒞山天大風晦冥迷入民間之室主
人方乳或曰后来乃良日也是必大吉或
曰不勝也之子是必有殃后乃攜之以歸
曰以為余子孰敢殃之子長成人幕動擗
撩斧斫斬其足遂為守門者孔甲曰嗚呼
有疾命矣夫乃作破
斧之歌實始為東音

晨露

湯詩緯曰湯命伊
尹振鳥陵歌晨露

淫魄

師涓為
帝辛造

武宿夜

武王○禮記舞莫重於武宿夜注武曲
名○正義武王至商郊停止宿夜士卒
皆歡樂歌舞以
待旦故名焉

九夏

周禮注九夏皆詩
篇各頌之族類也

王夏 一 肆夏 二 昭夏 三 納夏 四 章夏 五 齊夏

六 族夏 七 祓夏 八 鷺夏 九

繁遏渠 國語先樂金奏肆夏繁遏渠天子所以享元侯也註肆夏一名樊昭夏一名遏

納夏一名渠

采齊 周禮行以肆夏趨以采齊禮記作采齊

新宮 儀禮燕禮下管新宮 註小雅逸篇左傳宋公賦新宮大射義乃管新宮三終註管謂吹蕩以播新宮之詩或曰忍即斯干詩

鳩飛 國語秦伯賦鳩飛 註謂小苑之首章

河水 左傳管公子賦河水 國語注河當作馬

明明 崇禹 生開 逸周書世係篇籥人奏萬獻明明三終奏崇禹生開

三終注 詩篇名

辛餘靡歌 呂氏春秋周昭王南征荆右辛餘靡長且多力為王右還反涉漢梁敗王

隕于漢中辛餘靡振王北濟王乃封之于西翟因追思故處實始為西音○西音秦為秦聲漢賦云起西音于促杜歌江上之余喉江左六朝為清商曲唐有伊州源

州皆在西方西屬金金主聲故樂曲盛于西也

茅鴟 左傳工誦茅鴟 註云刺不敬

北里 靡靡 文中子聞龍舟五更轉之曲曰靡靡之音也

激楚 文選上林賦激楚結風○列女傳無 監女諫齊宣王曰聽激楚之遺風

流風

陽阿

延露

梁元帝纂安曰皆古艷曲

折楊

皇琴

莊子太音不入于俚耳折楊皇琴則盛然而笑

下里

巴人

陽阿

又見前

薤露

陽春

白雪

引商

刻羽

流徵

宋玉對楚王問

邪許歌

舉衆勸力之歌也

噓喚歌

與邪許同○劉晝曰伏臘合歡必歌采菱牽石柁舟必則歌噓喚

涉江

采菱

陽阿

又見前○楚辭招魂陳鍾按鼓造新歌涉江采菱

陽阿涉江采菱陽阿三者皆歌曲名既上句所云造新歌也誤作揚發荷解者云涉

彼大江入湖池采取菱芰發揚荷此何異兒童之語乎

嘯喻

司馬相如几將篇淮南鄭蔡舞嘯喻嘯喻曲名喻音歛

于遮

司馬相如上林賦淮南于遮注于遮歌曲名

顛歌

上林賦文成顛歌注文成遼西縣名其縣人善歌顛益州顛縣其人能作西南夷歌

顛卽滇字

凱歌

周官樂師凡軍大獻教凱司馬法曰得意則凱所以樂享也漢志作凱

嬋歌

韓詩內傳○巴人嬋歌說文嬋歌巴渝曲也

歸邪之曲

蜀王本紀蜀王如思其父母歸寧蜀王爲製歸邪之曲

幽鬼之曲

蜀王本紀秦惠以美女遺蜀王不習水土而死葬之石鏡王追思之作幽

鬼之曲

離鴻

去鴈

蘋生

三曲歌春

明晨

焦泉

朱華

流金

四曲歌夏

